



□ 12
2921
3



12
2921
3

周禮卷十四

周禮卷十四

周禮卷十四

稽古館藏
去五味均平歲

司徒教官之職

均人掌均地政。均地守。均地職。均人民牛馬車輦之力政。

政讀為征。地征謂地守地職之稅也。地守衡虞之屬。地職農圃之屬。力征人民則治城郭涂巷溝渠牛馬車輦則轉委積之屬。○政音征下同。

凡均力政以歲上下。豐年則公旬用三日焉。中年則公旬用二日焉。無年則公旬用一日焉。

周禮

卷十四 司徒教官之職

卷十四

周禮

豐年人食四鬴之歲也人食三鬴為中歲人食二鬴為無歲歲無贏儲也公事也旬均也讀如營營原隰之營易坤為均今書亦有作旬者○上時掌反鬴亡甫反營音均文音旬

凶札則無力政無財賦

無力政恤其勞也無財賦恤其乏困也財賦九賦也

不收地守地職不均地政

不收山澤及地稅亦不平計地稅也非凶札之歲當收稅乃均之耳

三年大比則大均

有年無年大平計之若久不修則數或闕

師氏掌以媿詔王

告王以善道也文王世子曰師也者教之以事而論諸德者也○媿音美

以三德教國子一曰至德以為道本二曰敏德以為行本三曰孝

德以知逆惡教三行一曰孝行以親父母二曰友行以尊賢良三

曰順行以事師長

德行內外之稱在心為德施之為行至德中和之德覆燾持載含容者也孔子曰中庸之為德其至矣乎敏德仁義順時者也說命曰敬孫務時敏厥修乃來孝德尊祖愛親守其所以生者也孔子曰武王周公其達孝矣乎夫孝者善繼人之志善述人之事者也孝在三德之下三行之上德有廣於孝而行莫尊焉國子公卿大夫之子弟師氏教之而世子亦齒焉學君臣父子長幼之道○行下孟反下及注同知音智燾徒蕞反說音悅孫音遜夫音扶

居虎門之左司王朝

周禮

卷一 司徒教官之職

二

司馬

虎門路寢門也。王日視朝於路寢門外。畫虎焉。以明勇猛於守。宜也。司猶察也。察王之視朝。若有善道可行者。則當前以詔。王。○朝直遙。反下皆同。

掌國中失之事。以教國子弟。

教之者。使識舊事也。中。中禮者也。失。失禮者也。故書中為得。杜子春云。當為得。記君得失。若春秋是也。○中。丁仲反。注同。

凡國之貴遊子弟學焉。

貴遊子弟。王公之子弟。遊。無官司者。杜子春云。遊。當為猶。言雖貴猶學。

凡祭祀賓客會同喪紀軍旅。王舉則從。

舉。猶行也。故書舉為與。杜子春云。當為與。謂王與會同喪紀之事。○從。才用反。與音預。

聽治亦如之。

謂王舉於野外。外以聽朝。

使其屬帥四夷之隸。各以其兵服守王之門外。且蹕。

兵。眼旃布弓劍不同也。門外。中門之外。蹕。止行人。不得迫王宮也。故書隸。或作肆。鄭司農云。讀為隸。○蹕音畢。

朝在野外。則守內列。

內列。蕃營之在內者也。其屬亦師。四夷之隸。守之。如守王宮。

保氏掌諫王惡。

諫者。以禮義正之。文王世子曰。保也。者。慎其身以輔翼之。而歸諸道者也。

而養國子以道。乃教之六藝。一曰五禮。二曰六樂。三曰五射。四曰

五數。五曰六書。六曰九數。乃教之六儀。一曰祭祀之容。二曰賓客

之容。三曰朝廷之容。四曰喪紀之容。五曰軍旅之容。六曰車馬之容。

養國子以道者以師氏之德行審諭之而後教之以藝儀也五禮吉凶賓軍嘉也六樂雲門大咸大韶大夏大濩大武也鄭司農云五射白矢參連剡注襄尺并儀也五馭鳴和鸞逐水曲過君表舞交衢逐禽左六書象形會意轉注處事假借諧聲也九數方田粟末差分少廣商功均輸方程贏不足商要今有重差夕祭句股也祭祀之容穆穆皇皇賓客之容嚴恪矜莊朝廷之容濟濟踳踳喪紀之容涕涕翔翔軍旅之容闐闐仰仰車馬之容顛顛堂堂玄謂祭祀之容齊齊皇皇賓客之容穆穆皇皇朝廷之容濟濟翔翔喪紀之容纍纍顛顛軍旅之容暨暨駘駘馬之容匪匪翼翼○剡羊甚反襄音讓本作讓重直體反夕祭音的沈祥易反此二字非鄭注濟子禮反踳七良反闐呼檻反仰本又作仰五剛反纍顛上律悲反下音田諡五格反

凡祭祀賓客會同喪紀軍旅王舉則從聽治亦如之使其屬守王

闡

闡宮中之巷門

司諫掌糾萬民之德而勸之朋友正其行而強之道藝巡問而觀察之以時書其德行道藝辨其能而可任於國事者

朋友相切磋以善道也強猶勸也學記曰強而弗抑則易巡問行問民間也可任於國事任吏職○強其文反易以鼓反

以攷鄉里之治以詔廢置以行赦宥

因巡問勸強萬民而考鄉里吏民罪過以告王所當罪不○行下孟反

司救掌萬民之表惡過失而誅讓之以禮防禁而救之

同禮

司徒教官之職

同

表惡謂侮慢長老語言無忌而未麗於罪者過失亦由表惡○醜好訟若抽拔兵器誤以行傷害人麗於罪者誅誅責也古者

重刑且責怒之未即罪也。○表似嗟反注作邪同。刑况付反。醫音詠。好訟呼報反。

凡民之有表惡者。三讓而罰。三罰而士加明刑。恥諸嘉石。役諸司空。

罰謂撻擊之也。加明刑者。去其冠飾而書其表惡之狀。著之背也。嘉石。朝土所掌。在外朝之門左。使坐焉。以恥辱之。既而役諸司空。使事官之作也。坐役之數。存於司空。○去起呂反。著直略反。

其有過失者。三讓而罰。三罰而歸於圜土。

圜土。獄城也。過失近罪。晝日任之以事。而收之。夜藏於獄。亦加明刑以恥之。不使坐嘉石。其罪已著。未忍刑之。

凡歲時有天患。民病。則以節巡國中及郊野。而以王命施惠。

天患。謂灾害也。節。旌節也。施惠。賜恤之。

調人掌司萬民之難。而諧和之。

難。相與為仇。讎。諸猶調也。

凡過而殺傷人者。以民成之。

過。無本意也。成。平也。鄭司農云。以民成之。謂立證佐。成其罪也。一說以鄉里之民。共和解之。春秋傳曰。惠伯成之之屬。

鳥獸亦如之。

過失殺傷人之畜。產者。○畜許又反。

凡和難。父之讎。辟諸海外。兄弟之讎。辟諸千里之外。從父兄弟之

讎。不同國。君之讎。眡。師長之讎。眡。兄弟。主友之讎。眡。從父兄弟。

和之。使辟於此。不得就而仇之。九夷。八蠻。六戎。五狄。謂之四海。主。大夫。君也。春秋傳曰。晉荀偃卒。而視不可含。宣子盥而撫之。

司豐

司徒教官之職

曰事吳敢不如事主。○辟音避。從才用反。毗音視。

弗辟則與之瑞節而以執之

瑞節玉節之刻圭也。和之而不肯辟者是不從王命也。王以刻圭使謂人執之治其罪。

凡殺人有反殺者使邦國交讎之

反復也。復殺之者此欲除害弱敵也。邦國交讎之明不和諸侯得者即誅之。鄭司農云有反殺者謂重殺也。

凡殺人之義者不同國令勿讎讎之則死

義宜也。謂父母兄弟師長尊辱焉而殺之者如是為得其宜。雖所殺者人之父兄不得讎也。使之不同國而已。

凡有鬪怒者成之不可成者則書之先動者誅之

鬪怒辨訟者也。不可成不可平也。書之記其姓名辨本也。鄭司農云成之謂和之也。和之猶令二千石以令解仇怨後復相報。

移徙之此其類也。玄謂上言立證佐成其罪似非。

媿氏掌萬民之判

判半也。得耦為合。主合其半。成夫婦也。喪服傳曰夫妻判合。鄭司農云主萬民之判合。

凡男女自成名以上皆書年月日名焉

鄭司農云成名謂子生三月父名之。

令男三十而娶女二十而嫁

二三三者天地相丞覆之數也。易曰參天兩地而奇數焉。○奇本或作倚音同。

凡娶判妻入子者皆書之

書之者以別未成昏禮者。鄭司農云入子者謂嫁女者也。玄謂言入子者容勝姪媿不聘之者。

司禮

卷之四

司徒教官之職

六

禮記

中春之月。令會男女。

中春陰陽交以成昏禮順天時也。

於是時也。奔者不禁。

重天時權許之也。

若無故而不用令者。罰之。

無故謂無喪禍之變也。有喪禍者。娶得用。非仲春之月。雜記曰。已雖小功。既卒哭。可以冠子娶妻。○冠古喚反。

司男女之無夫家者而會之。

司猶察也。無夫家。謂男女之鰥寡者。

凡嫁子娶妻。入幣純帛。無過五兩。

禁遷葬者與嫁殤者。

遷葬謂生時非夫婦。成既葬。遷之使相從也。殤十九以下。未嫁而死者。生不以禮相接。成而合之。是亦亂人倫者也。鄭司農云。嫁殤者。謂嫁成人也。今時娶會是也。

凡男女之陰訟。聽之于勝國之社。其附于刑者。歸之于士。

陰訟。爭中冓之事。以觸法者。勝國亡國也。亡國之社。奄其上而撻其下。使無所通。就之以聽陰訟之情。明不當宜露其罪。不在赦宥者。直歸士而刑之。不復以聽。士司寇之屬。詩云。牆有茨。不可掃也。中冓之言。不可道也。所可道也。言之醜也。○冓古候反。

司尊

卷之六

司徒教官之職

七

禮記

純實緇字也。古緇以才為聲。納幣用緇。婦人陰也。凡於娶禮。必用其類。五兩十端也。必言兩者。欲得其配合之名。十者。象五行十日相成也。士大夫乃以玄纁束帛。天子加以穀圭。諸侯加以大璋。雜記曰。納幣一束。束五兩。兩五尋。然則每端二丈。○純側反。其

糶士板反
失疾私反

司市掌市之治教政刑。量度禁令。

量豆區斗斛之屬度
丈尺也。○區鳥侯反

以次敘分地而經市。

次謂吏所治舍。思文介次也。若今市亭
然敘肆行列也。經界也。○行戶剛反

以陳肆辨物而平市。

陳猶列也。辨物物異
肆也。肆異則市平

以政令禁物靡而均市。

物靡者。易售而無用。禁之則市均。鄭
司農云。靡謂侈靡也。○易以鼓反

以商賈阜貨而行布。

通物曰商。居賣物曰賈。阜。猶盛也。
鄭司農云。布謂泉也。○賈音古

以量度成賈而徵債。

徵。召也。債。賈也。物有定賈。則買者來也。○
成賈音嫁。注下不音者。皆同債。劉音育

以質劑結信而止訟。

質劑。謂兩書一札而別之也。若今下手書。言保物要
還矣。鄭司農云。質劑。月平。○劑子隨反。平。皮命反

以賈民禁偽而除詐。

賈民。胥師。賈師之屬。必以賈民為之
者。知物之情。偽與實詐。○賈民音嫁

以刑罰禁盜而去盜。

司市

司徒教官之職

八

刑律

刑罰憲徇於○聽薄報
反去起呂反扑普卜反

以泉府同貨而斂賒。

同共也。同者謂民貨不售則為斂而買之。民無貨則除賈而予之。○除傷蛇反為于偽反賈音世。

大市日昃而市。百族為主。朝市朝時而市。商賈為主。夕市夕時而

市。販夫販婦為主。

日昃。昃中。也。市雜聚之處。言主者謂其多者也。百族必容來去。商賈家於市城。販夫販婦朝資夕賣。因其便而分為三時之市。所以了物極象。鄭司農云。百族百姓也。○昃音側。本又作昃。

凡市人則胥執鞭度守門市之羣吏平肆。展成奠賈。上旌于思次。以令市。市師蒞焉而聽。大治大訟。胥師賈師蒞于介次。而聽小治。

小訟。

凡市人謂三時之市。市者入也。胥守門察偽詐也。必執鞭度以威正人眾也。度謂及也。因刻丈尺耳。羣吏胥師以下也。平肆平賣物者之行列。使之正也。展之言整也。成平也。會平成市物者也。奠讀為定。整勅會者。使定物賈防誑豫也。上旌者。以為眾望也。見旌則知當市也。思次。若今市亭也。市師。司市也。介次。市亭之屬別小者也。故書蒞作立。杜子春云。奠當為定。鄭司農云。思辭也。次。市中候樓也。立當為蒞。蒞視也。玄謂思當為司字。聲之誤也。○奠音定。上時掌反。又音殊。

凡萬民之期于市者。辟布者。量度者。刑戮者。各於其地之敘。

期謂欲賣買期法于市也。量度者。若今處斗斛及丈尺也。故書辟為辭。鄭司農云。辭布。辭訟。泉物者也。玄謂辟布。市之羣吏考實諸泉入。及有遺忘。

凡得貨賄六畜者。亦如之。三日而舉之。

司豐

卷之四 司徒教官之職

九

刑律

得遺物者亦使置其地貨於貨之肆馬於馬之肆則主求之易也三日而無識認者舉之没入官

凡治市之貨賄六畜珍異亡者使有利者使阜害者使亡靡者使微

利利於民謂物實厚者害害於民謂物行苦者使有使阜起其賈以徵之也使亡使微抑其賈以卻之也侈靡細好使富民好奢徵之而已鄭司農云亡者使有無此物則開利其道使之有○苦音古好呼報反

凡通貨賄以璽節出入之

璽節印章如今斗檢封矣使人執之以通商以出貨賄者王之司市也以內貨賄者邦國之司市也

國凶荒札喪則市無征而作布

有災害物貴市不稅為民乏困也金銅無凶年因物貴大鑄泉以饒民

凡市偽飾之禁在民者十有二在商者十有二在賈者十有二在工者十有二

鄭司農云所以俱十有二者工不得作賈不得賈商不得資民不得畜玄謂王制曰用器不中度不粥於市兵車不中度不粥於市布帛精麤不中數幅廣狹不中量不粥於市姦色亂正色不粥於市五穀不時果實未熟不粥於市木不中伐不粥於市禽獸魚鼈不中殺不粥於市亦其類也於四十八則未聞數十二焉○賈音古注同粥音育中丁仲反下同

市刑小刑憲罰中刑徇罰大刑扑罰其附于刑者歸于士

徇舉以示其地之衆也扑達也鄭司農云憲罰播其肆也故書附為祔杜子春云當為附○祔方符反

國君過市則刑人赦夫人過市罰一幕世子過市罰一帑命夫過市罰一蓋命婦過市罰一帷

謂諸侯及夫人世子過其國之市大夫內子過其都之市也市者人之所交利而行刑之處君子無故不遊觀焉若遊觀則施惠以為說也國君則赦其刑人夫人世子命夫命婦則使之出罰異尊卑也所罰謂憲狗扑也必罰幕布蓋帷市者眾也此四物者在眾之用也此王國之市而說國君以下過市者諸侯之於其國與王同以其足以互明之。○幕劉音莫布音亦觀占亂反下同

凡會同師役市司帥賈師而從治其市政掌其賣債之事。

市司司市也賈買也會同師役必有市者大衆所在來物以備之

周禮卷十四終

周禮卷十五

漢大司農北海鄭玄註

皇明後學東吳金蟠訂

司徒教官之職

質人掌成市之貨賄人民牛馬兵器珍異。

成平也會者平物賈而來主成其平也人民奴婢也珍異四時食物

凡賣債者質劑焉大市以質小市以劑。

鄭司農云質劑月平賈也質大賈劑小賈玄謂質劑者為之券藏之也大市人民馬牛之屬用長券小市兵器珍異之物用短券○長如字

周禮

司徒教官之職

一

禮記

掌稽市之書契同其度量壹其淳制巡而攷之犯禁者舉而罰之

稽猶考也治也書契取予市物之券也其券之象書兩札刻其側杜子春云淳當為純純謂幅廣制謂匹長也皆當中度量玄謂淳讀如淳尸盥之淳○其淳音准長直亮反中丁仲反淳尸劉章純反

凡治質劑者國中一旬郊二旬野三旬都三月邦國暮期內聽期外不聽

謂齋券契者來訟也以期內來則治之後期則不治所以絕民之好訟且息文書也郊遠郊也野甸稍也都小都大都

廩人掌斂市紬布總布質布罰布廩布而入于泉府

布泉也鄭司農云紬布列肆之稅布杜子春云總當為儻謂無肆立持者之稅也玄謂總讀如租總之總總布謂守斗斛鈔衡者之稅也質布者質人之所罰犯質劑者之泉也罰布者犯市令者之泉也廩布者貨賄諸物邸舍之稅○紬音次儻音讓總

音摠

凡屠者斂其皮角筋骨入于玉府

以當稅給作器物也其無皮角及筋骨不中用亦稅之

凡珍異之有滯者斂而入于膳府

故書滯或作廩鄭司農云謂滯貨不售者官為居之貨物沉滯於廩中不決民待其直以給喪疾而不可售賈賤者也廩謂市中之地未有肆而可居以畜藏貨物者也孟子曰市廩而不征法而不廩則天下之商皆說而願藏於其市矣謂貨物儲藏於市中而不租稅也故曰廩而不征其有貨物久滯於廩而不售者官以法為居取之故曰法而不廩玄謂滯讀如沉滯之滯珍異四時食物也不售而在廩久則將瘦臞腐敗為買之入膳夫之府所以符民事而官不失實○官為于偽反下同畜勅六反說音悅符知呂反本或作貯瘦木或作腹所又反臞其俱反

胥師各掌其次之政令而平其貨賄憲刑禁焉

憲表縣之
○縣音玄

察其詐偽飾行債憑者而誅罰之

鄭司農云債賣也憑惡也謂行且賣姦偽惡物者玄謂飾行債憑謂使人行賣惡物於市巧飾之令欺誑買者○行下孟反令

聽其小治小訟而斷之

斷丁
亂反

賈師各掌其次之貨賄之治辨其物而均平之展其成而奠其賈然後令市

辨別也

凡天患禁貴債者使有恒賈

恒常也謂若糶米穀棺木而賄久雨疫病者貴賣之因天災害阨民使之重困

四時之珍異亦如之

薦宗廟之物

凡國之賣債各師其屬而嗣掌其月

債買也故書賣為買鄭司農云謂官有所斥令賣賈師師其屬而更相代直月為官賣之均勞逸○為官于僎反

凡師役會同亦如之

司憲掌憲市之禁令禁其鬪踴者與其蹏亂者出入相陵犯者以

司憲掌憲市之職
司徒教官之職

屬遊飲食于市者

屬謹也鄭司農云以屬遊飲食羣飲食者○鄉五羔反謹音歡

若不可禁則搏而戮之

司稽掌巡市而察其犯禁者與其不物者而搏之

不物衣服視占不與衆同及所操物不如品式

掌執市之盜賊以徇且刑之

胥各掌其所治之政執鞭度而巡其前掌其坐作出入之禁令

其不正者

作起也坐起禁令當市而不得空守之屬故書襲爲習杜子春云當爲襲謂掩捕其不正者

凡有罪者撻戮而罰之

罰之使出布

肆長各掌其肆之政令陳其貨賄名相近者相遠也實相近者相

爾也而平正之

爾亦近也俱是物也使惡者遠善善自相近鄭司農云謂若珠玉之屬俱名爲珠俱名爲玉而賈或百萬或數萬恐農夫愚民見欺故別異令相遠使賈人不得雜亂以欺人

斂其總布掌其戒令

杜子春云總當爲儻

泉府掌以市之征布斂市之不售貨之滯於民用者以其賈買之

物揭而書之以待不時而買者買者各從其抵都鄙從其主國人郊人從其有司然後予之

故書滯為痺杜子春云痺當為滯鄭司農云物揭而書之物物為擯書書其賈揭著其物也不時買者謂急求者也抵故賈也主者別治大夫也然後予之為封符信然後予之玄謂抵實抵字抵木也本謂所屬吏主有司是也揭音竭痺音且擯音戔著直畧反

凡賒者祭祀無過旬日喪紀無過三月

鄭司農云賒賈也以祭祀喪紀故從官賈買物

凡民之貸者與其有司辨而授之以國服為之息

有司其所屬吏也與之別其貸民之物定其賈以與之鄭司農云貸者謂從官借本賈也故有息使民弗利以其所賈之國所

出為息也假令其國出絲絮則以絲絮償其國出絺葛則以絺葛償玄謂以國服為之息以其於國服事之稅為息也於國事受園廩之田而貸萬泉者則其出息五百王莽時民貸以治產業者但計贏所得受息無過歲什一○本賈音嫁所賈音古

凡國之財用取具焉歲終則會其出入而納其餘

會計也納入也入餘於職幣

司門掌授管鍵以啓閉國門

鄭司農云鍵讀為蹇管謂管也鍵謂牡○鍵其展反

幾出入不物者正其貨賄凡財物犯禁者舉之

不物衣服視瞻不與眾同及所操物不如品式者正讀為征征稅也犯禁謂商所不資者舉之沒入官

以其財養死政之老與其孤

周禮

卷五

司徒教官之職

五

承襲

財所謂門關之委積也。或政之老以國事者之父母也。孤其子。

祭祀之牛牲繫焉。監門養之。

監門門徒。監古銜反。

凡歲時之門受其餘。

鄭司農云。受祭門之餘。

凡四方之賓客造焉。則以告。

造猶至也。告告於王。而止容以俟逆。

司關掌國貨之節以聯門市。

貨節謂商本所發司市之璽節也。自外來者則案其節而書其貨之多少。通之國門。國門通之司市。自內出者。司市為之璽節。

通之國門。國門通之關門。參相聯以檢得商。○滑音滑。

司貨賄之出入者。掌其治禁。與其征廛。

征廛者。貨賄之稅。與所止邸舍也。關下亦有邸舍。其出布如市之廛。

凡貨不出於關者。舉其貨。罰其人。

不出於關。謂從私道出辟稅者。則沒其財。而榷其人。○辟音避。

凡所達貨賄者。則以節傳出之。

節或取貨於民間。無璽節者。至關關為之璽節。及傳出之。其有璽節。亦為之傳傳。如今移過所文書。○傳張憲反。注下皆同。

國凶札。則無關門之征。猶幾。

鄭司農云。凶。謂凶年饑荒也。札。謂疾疫死亡也。越人謂疾為札。春秋傳曰。札瘥天昏。無關門之征者。出入關門無租稅。猶幾。謂

周禮 卷之五 司市 司徒教官之職

無租稅，猶苛察，不得令姦人出入。孟子曰：關幾而不征，則天下之行旅皆說而願出於其塗。○瘞才何反，說音悅。

凡四方之賓客，啟關則為之告。

謂制聘者也。啟關，猶謂關人也。鄭司農說以國語曰：周之秩官有之。曰：敵國賓至，關尹以告，行理以節逆之。○啟音叩，為于偽反。朝直，逢反。

有外內之送令，則以節傳出內之。

送令，謂奉貢獻及文書，以常事往來，環人之職。所送迎，通賓客來至關，則為之節與傳以通之。

堂節，堂守邦節，而辨其用以輔王命。

邦節者，珍圭、牙璋、穀圭、琬圭、琰圭也。王有命，則別其節之用。以授使者，輔王命者，執以行為信。○別彼列反，使所吏反。

守邦國者用玉節，守都鄙者用角節。

謂諸侯於其國中，公卿大夫王子弟於其采邑，有命者亦自有節，以輔之。玉節之制，如王為之，以命數為小大。角，用犀角，其制未聞。

凡邦國之使節，山國用虎節，土國用人節，澤國用龍節，皆金也。以

英蕩輔之。

使節，使卿大夫聘於天子，諸侯行道所執之信也。土，平地也。山，多虎，平地多人，澤多龍，以金為節，鑄象焉。必自以其國所多者，於以相別為信明也。今漢有銅虎符，杜子春云：蕩當為帑，謂以函器盛此節，或曰英蕩畫函。○帑吐黨反，盛音成。

門關用符節，貨賄用璽節，道路用旌節，皆有期以反節。

門關，司門司關也。貨賄者，主通貨賄之官，謂司市也。道路者，主治五涂之官，謂鄉遂大夫也。凡民遠出至於邦國，邦國之民若來入由門者，司門為之節，由關者，司關為之節，其商則司市為之節，其以徵令及家徙則鄉遂大夫為之節，唯時事而行不出。

國豐

司徒教官之職

七

承

凡通達於天下者必有節以傳餉之。
關不用節也。變司市言貨賄者。餉節主以通貨賄。貨賄非必由市。或資於民家焉。變鄉遂言道路者。容公邑及小都大都之吏。皆主治五涂。亦有民也。符節者。如今宮中諸官詔符也。餉節者。今之印章也。餉節。今使者所擁節是也。將送者執此節以送行者。者。皆以道里日時課。如今郵行有程矣。以防容姦。擅有所通也。凡節有法式。藏於掌節。○郵音尤。

無節者有幾則不達。
必有節。言遠行無有不得節而出者也。輔之以傳者。節為信耳。傳說所齋操及所適。

遂人掌邦之野。
園土內之。郊外曰野。此野為甸稍縣都。

以土地之圖經田野。造縣鄙形體之灋。五家為鄰。五鄰為里。四里為鄴。五鄴為鄙。五鄙為縣。五縣為遂。皆有地域溝樹之。使各掌其政。令刑禁。以歲時稽其人民。而授之田野。簡其兵器。教之稼穡。
經形體皆為制分界也。鄰里鄴鄙縣遂。猶郊內比閭族黨州鄉也。鄭司農云。田野之居。其比伍之名。與國中異制。故五家為鄰。玄謂異其名者。示相變耳。遂之軍法。追胥起徒役。如六鄉。○鄴作管。反比毗志反。

凡治野。以下劑致。以田里安。以樂昏擾。以土宜教。以稼穡。以興勸。以時器勸。以疆予任。以土均平。政。
變民言毗。異外內也。毗猶憤憤。無知貌也。致猶會也。民雖受上田。中田。下田。及會之。以下劑為率。謂可任者。家二人。樂昏勸其昏姻。如媒氏會男女也。擾順也。時器鑄作耒耜錢鎛之屬。疆予謂民有餘力。復予之田。若餘夫。然政讀為征。土均掌均平其稅。

鄭大夫讀勸為藉杜子春讀勸為助謂起民人令相佐助
○吐亡耕反疆其良反惜莫耕反率音律又音類縛音博

辨其野之土。上地。中地。下地。以頒田里。上地。夫一廛。田百晦。萊百晦。餘夫亦如之。下地。十晦。餘夫亦如之。中地。夫一廛。田百晦。萊百晦。餘夫亦如之。夫一廛。田百晦。萊二百晦。餘夫亦如之。

萊謂休不耕者。鄭司農云。戶計一夫一婦而賦之田。其一戶有數口者。餘夫亦受此田也。廛。居也。楊子雲有田一廛。謂百晦之居也。玄謂廛。鄉邑之居。孟子所云。五晦之宅。樹之以桑。麻者也。六遂之民。奇受一廛。雖上地。猶有萊。皆所以饒遠也。王莽時。城郭中宅不樹者為不毛。出三夫之布。○令力呈反晦音啟萊音來奇居宜反

凡治野。夫間有遂。遂上有徑。十夫有溝。溝上有畛。百夫有洫。洫上有涂。千夫有澮。澮上有道。萬夫有川。川上有路。以達于畿。

十夫二鄰之田。百夫一鄰之田。千夫二鄰之田。萬夫四鄰之田。遂。溝。洫。澮。皆所以通水於川也。遂。廣濶各二尺。溝。倍之。洫。倍溝。澮。倍洫。澮。深二仞。徑。畛。涂。道。路。皆所以通車徒於國都也。徑。容牛馬。畛。容大車。涂。容乘車。一軌。道。容二軌。路。容三軌。都之野。涂與環涂同可也。萬夫者。方三十三里。少半里。九而方一。同以南。故圖之。則遂從溝。橫。洫。從澮。橫。九澮。而川周其外焉。去山。陵。林。麓。川。澤。溝。澮。城。郭。宮。室。涂。巷。三分之制。其餘如此。以至千畿。則中雖有都鄙。遂人盡主其地。○洫。况域反澮。古外反乘。繩證反。從子容反。去起呂反。

以歲時登其夫家之衆寡。及其六畜車輦。辨其老幼廢疾。與其施舍者。以頒職作事。以令貢賦。以令師田。以起政役。

登。成也。猶定也。夫家。猶言男女也。施。讀為弛。職。謂民九職也。分其農牧衛虞之職。使民為其事也。載。師職云。以物地。稟。授地職。互言矣。貢。九貢也。賦。九賦也。政。役。出。士徒役。○施。式氏反。政。音征。

若起野役則令各帥其所治之民而至以遂之大旗致之其不用命者誅之。

役謂師田若有功作也遂之大旗熊虎

凡國祭祀共野牲令野職。

共野牲入於牧人以待事也野職薪炭之屬

凡賓客令修野道而委積。

委積於廬宿市

大喪帥六遂之役而致之掌其政令及葬帥而屬六綽及窆陳役

致役致於司徒給墓上事及窆也綽舉棺索也葬舉棺者謂載與說時也用綽旁六執之者天子其千人與陳役者主陳列之

耳匠師帥監之鄉師以斧涖焉大喪之正棺殯啓朝及引六鄉役之載及窆六遂役之亦即遠相終始也鄭司農云窆謂下棺時遂人主陳役也禮記謂之封春秋謂之崩皆葬下棺也聲相似○屬音燭綽音弗窆音涓反與說始銳反朝直遙反之封彼

駭反崩補鄧反

凡事致野役而師田作野民帥而至掌其政治禁令。

遂師各掌其遂之政令戒禁以時登其夫家之衆寡六畜車輦辨

其施舍與其可任者經牧其田野辨其可食者周知其數而任之。

以徵財征作役事則聽其治訟。

施讀亦弛也經牧制田界與井也可食謂今年所當耕者也財征賦稅之事

巡其稼穡而移用其民以救其時事。

司農

卷五 司徒教官之職

大司馬

移用其民使轉相助救時急事也四時耕耨故艾芟地之宜晚早不同而有天期地澤風雨之急○艾音刈

凡國祭祀審其誓戒共其野牲

審亦聽也

入野職野賦于玉府

民所入貨賄以當九職九賦中玉府之用者

賓客則巡其道修庀其委積

巡其道修行治道路也故書庀為比鄭司農云比讀為庀庀具也○庇又作庀四爾反行下孟反

大喪使帥其屬以幄帟先道野役及窆抱磨共丘籠及屨車之役

使以幄帟先者大宰也其餘司徒也幄帟先所以為葬窆之間先張神坐也道野役帥以至墓也丘籠之役窆復土也其器曰

籠屨車極路也極路載柳四輪迫地而行有似於屨因取名至行至壙乃說更復載以龍輶屨禮記或作輶或作輗役謂執紼者鄭司農云抱磨磨下車也玄謂磨者適歷執紼者名也遂人主陳之而遂帥以各行校之○磨音歷龍力董反乃說如銳反或吐活反輶勅倫反輶市專反輶市專反適音的

軍旅田獵平野民掌其禁令比叙其事而賞罰

平謂正其行列部伍也鄭司農云比讀為庇

遂大夫各掌其遂之政令以歲時稽其夫家之衆寡六畜田野辨

其可任者與其可施舍者以教稼穡以稽功事掌其政令戒禁聽

其治訟

施讀亦為弛功事九職之事民所以為功業

令為邑者。歲終則會政致事。

不言其遂之吏而言為邑者。容公邑及卿大夫王子弟之采邑。政令戒禁。遂大夫亦施焉。

正歲簡稼器。修稼政。

簡猶閱也。稼器耒耜鉞耜之屬。稼政。孟春之月。令所云。皆修封疆。審端徑術。善相丘陵阪險原隰。土地所宜。五穀所殖。以教道民。必躬親之。○術音遂。相息亮。反道音導。

三歲大比。則帥其吏而興。明其有功者。屬其地治者。

與毗。舉民賢者能者。如六鄉之為也。興猶舉也。屬猶聚也。又因舉吏治有功者。而聚勅其餘以職事。○比毗志反。屬音燭。

凡為邑者。以四達戒其功事。而誅賞廢興之。

四達者。治民之事大通者。有四。夫家眾寡也。六畜車輦也。稼穡耕耨也。旗鼓兵革也。

縣正各掌其縣之政令。徵比以頒田里。以分職事。掌其治訟。趨其稼事。而賞罰之。

徵徵召也。比。案比。○趨本又作趣音促。

若將用野民。師田行役。移執事。則帥而至。治其政令。

移執事。移用其民。鄭司農云。謂轉相佐助。

既役則稽功會事。而誅賞。

鄙師各掌其鄙之政令。祭祀。

祭祀。祭祭也。○祭音詠。

凡作民。則掌其戒令。

作民謂起役也

以時數其衆庶。而察其姦惡而誅賞。

時四時也。○熒音美

歲終則會其鄙之政而致事。

鄩長各掌其鄩之政令。以時按登其夫家。比其衆寡。以治其喪紀。

祭祀之事。

技猶數也

若作其民而用之。則以旗鼓兵革帥而至。若歲時簡器。與有司數之。

簡器簡稼器也。兵器亦存焉。有司遂大夫。

凡歲時之戒令。皆聽之。趨其耕耨。稽其女功。

聽之受而行之也。女功絲枲之事。

里宰掌比其邑之衆寡。與其六畜兵器。治其政令。

邑猶里也

以歲時合耦于耜。以治稼穡。趨其耕耨。行其秩叙。以待有司之政令。而徵歛其財賦。

考工記曰。耜廣五寸。二耜為耦。此言兩人相助耦而耕也。耦司農云。耦讀為藉。杜子春云。耦讀為助。謂相佐助也。玄謂耦者。里宰治處也。若今街彈之室。於此合耦。使相佐助。因放而為各。季冬之月。令命農師計耦耕事。修耒耜。具田器。是其歲時與合人

耦則牛耦亦可知也。秩叙受耦相佐助之次第。○放方往反。

鄰長掌相糾相受。

相糾相舉察。

凡邑中之政相贊。

長短使相補助。

徙三他邑則從而授之。

從猶隨也。授猶付也。

周禮卷十五

終

周禮卷十六

漢大司農北海鄭玄註

皇明後學東吳葛藹訂

司徒教官之職

旅師掌聚野之勑粟屋粟間粟

野謂遠郊之外也。勑粟民相助作一井之中所出九夫之稅粟也。屋粟民有田不耕所罰三夫之稅粟。間粟間民無職事者所出一夫之征粟。

而用之以待剗致民。平頒其興積。施其惠。散其利。而均其政令。

而讀為蒼聲之誤也。若用之謂恤民之艱阨委積於野如遺人於鄉里也。以質剗致民。案入稅者各會而貸之。興積所與之積。

周禮卷十六 司徒教官之職

謂三者之粟也。平頒之，不得偏頗。有多少，縣官徵聚物曰興，令云軍興是也。是粟縣師徵之，旅師斂之，而用之，以調衣食曰惠，以作事業曰利，均其政令者，皆以國服為之息。○積子賜反。

凡用粟春頒而秋斂之。

困時施之，饒時收之。

凡新阡之治皆聽之，使無征役，以地之嫩惡為之等。

新阡，新從來者也。治謂有所求乞也。使無征役，復之也。王制曰：自諸侯來徙，家期不從政，以地美惡為之等。七人以上，授以上地。六日授以中地，五日以下授以下地。與舊民同，旅師掌斂地稅，而又惠施散利，是以屬用新民焉。○復音福。

稍人掌令丘乘之政令。

丘乘，四丘為甸，甸讀與維禹，敝之之隙同。其訓曰乘，由是改云。是掌令都鄙修治井邑丘甸縣都之溝涂。云丘甸者，舉中言之。

溝涂之人各非別邑，異則民之家數存焉。

若有會同師田行役之事，則以縣師之灋作其同徒，蓋輦帥而以至，治其政令，以聽於司馬。

有軍旅會同田役之戒，縣師受灋於司馬。邦國都鄙稍甸，郊異唯司馬所調，以其灋作其衆庶及馬牛車輦，會其車人之卒伍，使皆備旗鼓兵器以誦而至，是以書令之耳。其所調若在家邑，小都大都則稍人用縣師所受司馬之灋作之。帥之以致於司馬也。同徒，司馬所謂之同。凡用役者不必一時，皆徧以人數調之，使勞逸遞焉。○輦居錄反，調徒弔反，遞徒禮反。

大喪帥輿車與其役，以至，掌其政令，以聽於司徒。

輿車及役，遂人共之。稍人者野監，是以帥而致之。既夕禮曰：既正柩，賓出，遂匠納車于階間，則天子以至于士，柩路皆從。遂來

委人掌斂野之賦，斂薪芻，凡疏材木材，凡畜聚之物。

周禮

卷二 司徒教官之職

二

天農堂

野謂遠郊以外也。所斂野之賦，謂野之園圃、山澤之賦也。凡疏枌、草木有實者也。凡畜聚之物，瓜瓠、葵芋、禦冬之具也。野之農賦，旅師斂之，工商嬪婦，遂師以入玉府，其牧則遂師又以其野牲。○畜勅六反，芋于附反。

以稍聚待賓客，以甸聚待羈旅。

聚，凡畜聚之物也，故書羈作奇。杜子春云：當為羈。

凡其余聚以待頒賜。

余當為餘，聲之誤也。餘謂縣都畜聚之物。

以式灋共祭祀之薪蒸，木材賓客共其芻薪，喪紀共其薪蒸，木材軍旅共其委積，薪芻。凡疏材共野委兵器，與其野園財用。

式法，故事之多少也。薪蒸，給炊及燎麤者。曰新，細者曰蒸。木材，給張車，委積薪芻者，委積之薪芻也。軍旅又有疏材，以助禾粟。

野委，謂廬宿止之薪芻也。其兵器，謂守衛陳兵之器也。野園之財用者，苑囿藩籬之材。○蘿音羅。

凡軍旅之賓客館焉。

館，舍也。必舍此者，就牛馬之用。

王均掌平土地之政，以均地守，以均地事，以均地貢。

政讀為征，所平之稅，邦國都鄙也。地守，虞衡之屬，地事，農圃之職，地貢，諸侯之九貢。

以和邦國都鄙之政，令刑禁，與其施舍，禮俗喪紀祭祀，皆以地。嫩惡為輕重之灋而行之，掌其禁令。

施讀為弛也。禮俗，邦國都鄙民之所行，先王舊禮也。君子行禮不求變俗，隨其土地厚薄為之制，豐省之節耳。禮器曰禮也。者合於天時，設於地財，順於鬼神，合於人心，理於萬物。

章人掌土化之瀝以物地相其宜而為之種。

土化之瀝化之使美若泥勝之術也以物地占其形色為之種黃白宜以種禾之屬○相息亮反泥音凡

凡糞種駢剛用牛赤緹用羊墳壤用麋渴澤用鹿鹹瀉用豕勃壤

用狐壇壇用豕疆藥用蕒輕輿用犬

凡所以糞種者皆謂糞取汁也赤緹緹色也渴澤故水處也渴也豕豕也勃壤粉解者壇壇黏疏者疆藥疆堅者輕輿輕脆也鄭司農云用牛以牛骨汁漬其種也謂之糞種壇壇多畜鼠也壇白色黃麻也玄謂壇壇潤解○緹音抵麋音眉瀉音昔豕呼九反壇時力反壇音盧槩呼覽反蕒扶云反輿孚照反緹七絹反豕符益反

稻人掌稼下地

以水澤之地種穀也謂之稼者有似嫁女相生

以豬畜水以防止水以溝蕩水以遂均水以列舍水以澮寫水以

涉楊其芟作田

鄭司農說豬防以春秋傳曰町原防規偃豬以列舍水列者非一道以去水也以涉楊其芟以其水寫故得行其田中舉其芟鉤也杜子春讀蕩為和蕩謂以溝行水也玄謂偃豬者畜流水之波也防豬旁隄也遂田首受水小溝也列田之畦畦也澮澮尾去水大溝作猶治也開遂舍水於列中因涉之楊去前年所芟之草而治田種稻○列祿計反芟所銜反町徒頂反去起呂反畦劉音圭呼音劣

凡稼澤夏以水珍草而芟莫之

珍病也經也鄭司農說芟夷以春秋傳曰芟夷蕪崇之今時謂禾下來為美下麥言芟刈其禾於下種麥也玄謂將以澤地為

甸農

卷之七 司徒教官之職

四

水農堂

稼者必於夏六月之時大雨時行以水病絕草之後生者至秋水涸芟之明年乃稼○黃音蓋紆粉反

澤草所生種之芒種

鄭司農云澤草之所生其地可種芒種芒種稻麥也○芒種章勇反注同

早曠其其雩斂

稻以其雩斂稻急水者也鄭司農云雩事所發斂○曠呼且反

喪紀其其葦事

葦以闡壙禦濕之物闡音因

王訓掌道地圖以詔地事

道說也說地圖九州形勢山川所宜告王以施其事也若云荆揚地宜稻幽并地宜麻

道地慝以辨地物而原其生以詔地求

地慝若瘖蠢然也辨其物者別其所有所無原其生者時也以此二者告王之求也地所無及物未生則不求也鄭司農云地慝地所生惡物害人者若虺蜮之屬○虺孚目反

王巡守則夾王車

巡守行視所守也天子以四海為守行下孟反

誦訓掌道方志以詔觀事

說四方所識久遠之事以告王觀博古所識若魯有大庭氏之庫穀之二陵

掌道方慝以詔辟忌以知地俗

方慝四方言語所惡也不避其忌則其方以為苟於言語也知地俗博事也鄭司農云以詔避忌不違其俗也曲禮曰君子行

禮不求變俗辟音避注同惡鳥路反

王巡守則夾王車。

山虞掌山林之政令。物為之厲而為之守禁。

物為之厲每物有蕃界也為之守禁為守者設禁令也守者謂其地之民古伐林木者也鄭司農云厲遮列守之○為守者丁偽反

仲冬斬陽木。仲夏斬陰木。

鄭司農云陽木春夏生者陰木秋冬生者若松柏之屬玄謂陽木生山南者陰木生山北者冬斬陽夏斬陰堅濡調○濡咸如竟反又音奈

凡服耜斬季材以時入之。

季猶穉也服與耜宜用穉材尚恭忍也服此服車之材

令萬民時斫材有期日。

時斫材斫材之時也有期日入出有日數為久盡物

凡邦工入山林而掄材不禁。

掄猶擇也。不禁者山林之材。凡邦工入山林而掄材不禁。其法

春秋之斫木不入禁。

非冬夏之時不得入所禁之中斫木也。斫四野之木可

凡竊木者有刑罰。

竊盜也

若祭山林則為主而修除且蹕。

為主者辨護之也。脩除治道路場壇。

若大田獵則萊山田之野及弊田植虞旗于中致禽而珥焉。

萊除其草萊也。弊田田者止也。植猶樹也。田上樹旗今獲者皆致其禽而校其耳以知獲數也。山虞有旗以其主山得畫熊虎其側數則矩也。鄭司農云珥者取禽左耳以効功也。大司馬職曰獲者取左耳。珥如志反又音耳。

林衡掌巡林麓之禁令而平其守。

平其守者平其地之民守林麓之部分。麓音鹿分扶問反。

以時計林麓而賞罰之。

計林麓者計其守之功也。林麓蕃茂民不竊盜則有賞不則罰之。

若斬木材則受灋于山虞而掌其政令。

灋萬民入出時日之期。

川衡掌巡川澤之禁令而平其守以時舍其守犯禁者執而誅罰之。

舍其守者時案視守者於其舍申戒之。

祭祀賓客共川奠。

川奠邊豆之實魚鱸蜃蛤之屬。奠音奠鋪所留反。

澤虞掌國澤之政令為之厲禁使其地之人守其財物以時入之。

于王府頒其餘于萬民。

甸豐

卷六 司徒教官之職

七

承襲官

其地之人占取澤物者因以部分使守之以時入之于王府謂皮角珠貝也入之以當邦賦然後得取其餘以自爲也入出亦有時日之期○當丁浪反爲于偽反

凡祭祀賓客其澤物之奠

澤物之奠亦蓬豆之實芹茆菱芡之屬○茆音卯菱音陵芡音陰

喪紀其其葦蒲之事

葦以爲墳蒲以爲席

若大田獵則萊澤野及弊田植虞旌以屬禽

屬禽猶致禽而珥焉澤虞有旌以其主澤澤鳥所集故得注析羽

迹入掌邦田之地政爲之厲禁而守之

田之地若今苑也

凡田獵者受令焉

令謂時與處也

禁麇卵者與其毒矢射者

爲其天物且害必多也麇麋鹿子○麇音迷卵力管反

卯人掌金玉錫石之地而爲之厲禁以守之

錫鉛也○卯革猛反又號猛反鉛以忍反

若以時取之則物其地圖而授之

物地占其形色知鹹淡也授之教取者之處

巡其禁令。

行其禁明其令

角人掌以時徵齒角凡骨物於山澤之農以當邦賦之政令。

山澤出齒角骨物大者犀象其小者麋鹿

以度量受之以共財用。

骨入漆浣者受之以量其餘以度量所中○浣白翫反度量上如字下待洛反

羽人掌以時徵羽翮之政于山澤之農以當邦賦之政令。

翮羽本○翮戶革反

凡受羽十羽為審百羽為搏十搏為縛。

審搏縛羽數束名也爾雅曰一羽謂之箴十羽謂之縛百羽謂之縛其名音相近也一羽有名蓋失之矣

掌葛掌以時徵絺綌之材于山農凡葛征徵草貢之材于澤農以

當邦賦之政令。

草貢出澤墳紵之屬可緝績者○墳苦迥反

以權度受之。

以知輕重長短也故書受或為授杜子春云當為受

掌染草掌以春秋斂染草之物。

染草茅蒐棗蘆豕首紫蒨之屬○蒨音列

以權量受之以待時而頒之。

權量以知輕重多少時染夏之時

掌炭掌灰物炭物之徵令以時入之。

灰炭皆山澤之農所出也灰給澆練炭之所共多

以權量受之以共邦之用凡炭灰之事。

掌茶掌以時聚茶以共喪事。

共喪事者以著物也既夕禮曰茵著用茶

徵野疏材之物以待邦事凡畜聚之物。

茶茅蒨疏材之類也因使掌焉徵者徵於山澤入於委人○畜勅六反

掌蜃掌斂互物蜃物以共闡壙之蜃。

互物蚌蛤之屬闡猶塞也將井棹先塞下以蜃禦濕也鄭司農說以春秋傳曰始用蜃炭言僭天子也○蚌蒲項反

祭祀共蜃器之蜃

飾祭器之屬也鬯人職曰凡四方山川用蜃器春秋定十四年秋天王使石尚來歸蜃蜃之器以蜃飾因名焉鄭司農云蜃可

以白器令色白

共白盛之蜃。

盛猶成也謂飾牆使白之蜃也今東萊用蛤謂之又灰云

圉人掌圉游之獸禁

圉游圉之離宮小苑觀處也養獸以宴樂視之禁者其蕃備也鄭司農云圉游之獸游牧之獸○觀古亂反樂音洛

牧百獸

備養衆物也。今掖庭有鳥獸自熊虎孔雀至於狐狸鳧鶴備焉。

祭祀喪紀賓客。共其生獸。死獸之物。

場人掌國之場圃。而樹之果蓏珍異之物。以時斂而藏之。

果。棗李之屬。蓏。瓜瓠之屬。珍異。蒲萄。枇杷之屬。○批。蒲黎反。把。白加反。

凡祭祀賓客。共其果蓏。享亦如之。

享。納牲。

廩人掌九穀之數。以待國之匪頒。賙賜稍食。

匪。讀爲分。頒。謂委人之職。諸委積也。賙。賜。謂王所賜。予給好用之式也。稍。食。祿廩。○食音嗣。注同。好。呼報反。

以歲之上下數邦用。以知足否。以詔穀用。以治年之凶豐。

數。猶計也。○上時掌反。

凡萬民之食。食者。人四鬴。上也。人三鬴。中也。人二鬴。下也。

此皆謂一月食米也。六斗四升曰鬴。

若食不能。人二鬴。則令邦移民。就穀。詔王殺邦用。

就穀。就都鄙之有者。殺猶減也。○殺所界反。

凡邦有會同師役之事。則治其糧與其食。

行道曰糧。謂糒也。止居曰食。謂米也。○糒音備。

大祭祀。則共其接盛。

接。讀爲一。扱。再祭之扱。扱以扱。春人春之。大祭祀之穀。藉田之收。藏於神倉者也。不以給小用。○扱初洽反。

舍人掌平宮中之政分其財守以灋掌其出入

政謂用穀之政也分其財守者計其用穀之數分送宮正內宰使守而頒之也而行出於廩人其有空缺則計之還人

凡祭祀共簠簋實之陳之

方曰簠圓曰簋盛黍稷稻粱器

賓客亦如之共其禮車米管米芻禾

禮致饗饋之禮

喪紀共飯米熬穀

飯所以實口不忍虛也君用梁大夫用稷士用粱皆四升實者唯盈熬穀者錯于棺斂所以惑毗蜉也喪大記曰熬若四種八筐大夫三種六筐士二種四筐加魚措焉○馭扶晚反錯七故反毗鼻夷反蜉音孚種章勇反下同

以歲時縣種稷之種以共王后之春獻種

縣之者欲其風氣燥達也鄭司農云春王當耕于藉則后獻其種也后獻其種見內宰職○縣音玄種稷直龍反下音種

掌米粟之出入辨其物

九穀六米別為書

歲終則會計其政

政用穀之多少

舍人掌粟入之藏

九穀盡藏焉以粟為主

辨九穀之物以待邦用若穀不足則止餘灋用有餘則藏之以待

司禮

卷六 司徒教官之職

十一

大司馬

凶而頒之。

主猶殺也殺餘灋用謂道降之委積所以豐優賓客之屬

凡國之大事共道路之穀積食飲之具。

大車謂喪戎

司祿

司稼掌巡邦野之稼而辨種稂之種周知其名與其所宜地以為

灋而縣于邑閭。

周猶徧也徧知種所宜之地縣以示民後年種穀用為灋也○種章勇反

巡野觀稼以年之上下出斂灋。

斂灋者豐年從凶荒則損若今十傷二三實除減半

掌均萬民之食而調其急而平其興。

均謂度其多少調稟其艱阨與所徵賦

春人掌共米物。

米物言非一米

祭祀共其蠶盛之米。

蠶盛謂黍稷稻粱之屬可盛以為簠簋實

賓客共其牢禮之米。

謂可以實簠簋

司禮

卷一 司徒教官之職

三

天懷堂

凡饗食共其食米

饗有食米則饗禮兼燕與食

掌凡米事

饌人掌凡祭祀共盛

炊而共之

共王及后之六食

六食六穀之飯

凡賓客共其簠簋之實

謂致饋饗

饗食亦如之

冢人掌共外內朝宀食者之食

外朝司寇斷獄辨訟之朝也今司徒府中有百官朝會之殿云天子與丞相舊決大事焉是外朝之存者與內朝路門外之朝也宀食者謂留治文書若今尚書之屬諸直上者

若饗者老孤子士庶子共其食

士庶子卿大夫士之子弟宿衛王宮者

掌黍祭祀之天

黍大麥曰麥不於饌人言其共至尊雖其潘瀟或餘不可褻也

周禮卷十六終

司禮

司徒教官之職

古

天

唐禮

卷七

宗伯

宗人魯夏獻其禮禮特牲曰宗人升自西階視壺灌及豆遷然則唐虞歷三代以宗官典國之禮與其祭祀漢之大常是也○大廟音泰 釁虎觀反

禮官之屬。大宗伯卿一人。小宗伯中大夫二人。肆師下大夫四人。

士八人。中士十有六人。旅下士三十有二人。府六人。史十有二

人。胥十有二人。徒百有二十人。

肆猶陳也。肆師佐宗伯陳列祭祀之位及牲器黍盛

鬻人下士二人。府二人。史一人。徒八人。

鬻鬱金香草宜以和鬻

鬻人下士二人。府一人。史一人。徒八人。

鬻釀秬為酒芬香條暢於上下也。秬如黑黍一稔二米。○秬其許反。稔音孚。

雞人下士一人。史一人。徒四人。

司尊彝下士二人。府四人。史二人。胥二人。徒二十人。

彝亦尊也。鬱鬻曰鬻。彝濃也。言為尊之濃也。

司几筵下士二人。府二人。史一人。徒八人。胥四人。徒四十人。

筵亦席也。鋪陳曰筵。藉之曰席。然其言之筵席通矣。

天府上士一人。中士二人。府四人。史二人。胥二人。徒二十人。

府物所藏。言天者尊此所藏若天物然。

典瑞中士二人。府二人。史二人。胥一人。徒十人。

司豐

卷七 宗伯禮官之屬

二

天壤堂

瑞節信也典瑞若今符璽郎

典命中士二人府二人史二人胥一人徒十人

命謂王遷秩羣臣之書

司服中士二人府二人史一人胥一人徒十人

典祀中士二人下士四人府二人史二人胥四人徒四十人

守祧奄八人女祧每廟二人奚四人

遠廟曰祧周為文王武王廟遷主藏焉奄如今之宦者女祧女奴有才知者天子七廟三昭三穆奚女奴也○為于偽反知音

世婦每宮卿二人下大夫四人中士八人女府二人女史二人

十有六人

世婦后宮官也王后六宮漢始大長秋詹事中少府大僕亦用士八人女府女史女奴有才智者○少詩照反

內宗凡內女之有爵者

內女王同姓之女謂之內宗有爵其嫁於大夫及士者凡無常數之言

外宗凡外女之有爵者

外女王諸姑姊妹之女謂之外宗

冢人下大夫二人中士四人府二人史四人胥十有二人徒百有二十人

冢封土為丘壠象冢而為之

墓大夫下大夫二人中士八人府二人史四人胥二十人徒二百人。

墓冢塋之地孝子所
思慕之處。○塋音營

職喪上士二人中士四人下士八人府二人史四人胥四人徒四十八人。

職主也。

大司樂中大夫二人樂師下大夫四人上士八人下士十有六人府四人史八人胥八人徒八十八人。

大司樂樂官之長。○
長下丈反後皆放此

大胥中士四人小胥下士八人府二人史四人徒四十人。

胥有才知之稱禮記文王世子曰小樂正學于大胥佐之。

大師下大夫二人小師上士四人瞽矇上瞽四十人中瞽百人下

瞽百有六十人眡矇三百人府四人史八人胥十有二人徒百有二十人。

凡樂之歌必使瞽矇為焉命其賢知者以為大師小師。晉杜蒯云矇也大師也眡讀為虎眡之眡矇目明者鄭司農云無目眡謂之瞽有目眡而無見謂之矇。○眡音視

典同中士二人府一人史一人胥二人徒二十人。

同陰律也。不以陽律名官者因其先言耳。書曰協時月正日同律度量衡。犬師職曰執同律以聽軍聲。

磬師中士四人下士八人府四人史二人胥四人徒四十人

鐘師中士四人下士八人府二人史二人胥六人徒六十人

笙師中士二人下士四人府二人史二人胥一人徒十人

搏師中士二人下士四人府二人史二人胥二人徒二十人

搏如鍾而大
○搏音博

鞀師下士二人府一人史一人舞者十有六人徒四十人

鄭司農說以明堂位曰鞀東夷之樂讀如味飲食之味杜子春讀鞀為殊莖莖著之味玄謂讀如鞀鈴之鞀○鞀莫拜反殊莫戒反又音味莖直基反著直居反鞀古洽反

旄人下士四人舞者衆寡無數府二人史二人胥二人徒二十人

旄旄牛尾舞者所持以指麾

籥師中士四人府二人史二人胥二人徒二十人

籥舞者所吹春秋宣八年壬午猶釋萬人去籥傳曰去其有聲者廢其無聲者詩云左手執籥右手秉翟○去起呂反

箛章中士二人下士四人府一人史一人胥二人徒二十人

箛章吹籥以爲詩章

鞀鞀氏下士四人府一人史一人胥二人徒二十人

鞀讀如屨也鞀屨四夷舞者所屣也今時倡蹋鼓者行者自有屣○鞀丁兮反鞀九具反蹋徒臘反

典庸器下士四人府四人史二人胥八人徒八十人

庸功也鄭司農云庸器有功者鑄器銘其功春秋傳曰以所得於齊之兵作林鍾而銘魯功焉

司干下士二人府二人史二人徒二十人。

干舞者所持謂楯也春秋傳曰萬者何干舞也。楯食允反。

大卜下大夫二人下師上士四人卜人中士八人下士十有六人

府二人史三人胥四人徒四十人。

問龜曰卜大卜卜筮官之長。

龜人中士二人府二人史二人工四人胥四人徒四十人。

工取龜攻龜。

華氏下士二人史一人徒八人。

煇煇用荆華之類。華時髓反。煇哉灼反。煇音俊。

占人下士八人府一人史二人徒八人。

占著龜之卦兆吉凶。

筮人中士二人府一人史二人徒四人。

開著曰筮其占易。

占夢中士二人史二人徒四人。

眠祲中士二人史二人徒四人。

祲陰陽氣相侵漸成祥者魯史梓慎云吾見赤黑之祲。祲子鳩反。

天祝下大夫二人士士四人小祝中士八人下士十有六人府二

人史四人胥四人徒四十人。

大祝祝官之長

喪祝上士二人中士四人下士八人府二人史二人胥四人徒四十八人

甸祝下士二人府一人史一人徒四人

甸之言田也田狩之祝○甸音電

詛祝下士二人府一人史一人徒四人

詛謂祝之使沮敗也○詛側慮反祝之又反

司巫中士二人府一人史一人胥一人徒十人

司巫巫官之長

男巫無數女巫無數其師中士四人府二人史四人胥四人徒四十人

巫能制神之處位次主者

大史下大夫二人上士四人小史中士八人下士十有六人府四人史八人胥四人徒四十人

大史史官之長

馮相氏中士二人下士四人府二人史四人徒八人

馮乘也相視也世登高臺以視天文之次序天文屬大史月令曰乃命大史守典奉灋司天日月星辰之行宿離不貸○馮音憑相息亮反

保章氏中士二人下士四人府二人史四人徒八人。

保守也世守天文之變

內史中大夫二人下大夫二人上士四人中士八人下士十有六人府四人史八人胥四人徒四十人。

外史上士四人中士八人下士十有六人胥二人徒二十人。

御史中士八人下士十有六人其史百有二十人府四人胥四人徒四十人。

御猶侍也進也其史百有二十人以掌贊書人多也

巾車下大夫二人上士四人中士八人下士十有六人府四人史

八人工百人胥五人徒五十人。

巾猶衣也巾車車官之長○衣於旣反

典路中士二人下士四人府二人史二人胥二人徒二十人。

略王之所乘車

車僕中士二人下士四人府二人史二人胥二人徒二十人。

司常中士二人下士四人府二人史二人胥四人徒四十人。

司常主王旌旗

都宗人上士二人中士四人府二人史四人胥四人徒四十人。

都謂王子弟所封及公卿所食邑

周禮

卷之二十三宗伯禮官之屬

承慶堂

家宗人如都宗人之數。

家謂大夫所食采邑

二人中士四人旅二人史四人胥四人共四十八

凡以神士者無數以其藝為之貴賤之等。

以神士者男巫之俊有學問才知者藝謂禮樂射御書數高者為上士次之為中士又次之為下士

二人中士四人旅二人史二人胥二人共二十八

二人中士四人旅二人史二人胥二人共二十八

二人中士四人旅二人史二人胥二人共二十八

周禮卷十七終

周禮卷十八

漢大司農北海鄭玄註

皇明後學東吳葛鼎訂

宗伯禮官之職

大宗伯之職掌建邦之天神人鬼地示之禮以佐王建保邦國。

建立也立天神地祇人鬼之禮者謂祀之祭之享之禮吉禮是也保安也所以佐王立安邦國者主謂凶禮賓禮軍禮嘉禮也目吉禮於上承以立安邦國者互以相成明尊鬼神重人事。示音祗本或作祗下神示地示皆倣此

以吉禮事邦國之鬼神示

事謂祀之祭之享之故書吉或為告杜子春云書為告禮者非是當為吉禮書亦多為吉禮吉禮之別十有二

以禋祀祀昊天上帝以實柴祀日月星辰以槱燎祀司中司命

師雨師

禋之言煙周人尚臭煙氣之臭聞者槱積也詩曰芃芃棫樸薪之槱之三祀皆積柴實牲體焉或有玉帛燔燎而升煙所以報陽也鄭司農云昊天上帝也昊天上帝樂以雲門實柴實牛柴上也故書實柴或為實柴司中三能三階也司命文昌宮星風師箕也雨師畢也玄謂昊天上帝冬至於圓丘所祀天皇大帝星謂五緯辰謂日月所會十二次司中司命文昌第五第四星或曰中能上能也祀五帝亦用實柴之禮云○

以血祭祭社稷五祀五嶽以狸沈祭山林川澤以醯辜祭四方百

物

不言祭地此皆地祇祭地可知也陰祀自血起貴氣臭也社稷土穀之神有德者配食焉共工氏之子曰句龍食於社有厲山

氏之子曰柱食於稷湯遷之而祀棄故書祀作禋禋為罷鄭司農云禋當為祀書亦或作祀五祀五色之帝於王者宮中曰五祀罷辜披磔牲以祭若今時磔狗祭以止風玄謂此五祀者五官之神在四郊四時迎五行之氣於四郊而祭五德之帝亦食此神焉少昊氏之子曰重為句芒食於木該為蓐收食於金脩及熙為玄冥食於水顓頊氏之子曰黎為祝融后土食於火土五嶽東曰岱宗南曰衡山西曰華山北曰恒山中曰嵩高山不見四竇者四竇五嶽之匹或省文祭山林曰埋川澤曰沈順其性之含藏醢醢牲胷也醢而磔之謂磔攘及蜡祭郊特牲曰八蜡以祀四方四方年不順成八蜡不通以謹民財也又曰蜡之祭也主先嗇而祭司嗇也祭百種以報嗇也饗農及郵表嘏禽獸仁之至義之盡也○狸亡皆反醢孚逼反共音恭句古侯反禋音祀罷芳皮反磔張格反食此音嗣重直龍反磔攘如羊反蜡七詐反種章勇反嘏音綴

以肆獻裸享先王以饋食享先王以祠春享先王以禴夏享先王

以嘗秋享先王以烝冬享先王

周禮

宗伯禮官之職

二

祫禘

宗廟之祭有此六享肆獻裸饋食在四時之上則是禘也禘也肆者進所解牲體謂薦熟時也獻獻醴謂薦血腥也禘之言灌灌以鬱鬯謂始獻尸求神時也郊特牲曰魂氣歸于天形魄歸于地故祭所以求諸陰陽之義也殷人先求諸陽周人先求諸陰灌是也祭必先灌乃後薦腥薦熟於禘逆言之者與下文明六享俱然禘言肆獻裸禘言饋食者著有黍稷互相備也禮三年喪畢而禘於大祖明年春禘於羣廟自爾以後率五年而再殷祭一禘一禘○肆他歷反解骨體禘古亂反率五音律

以凶禮哀邦國之憂

哀謂救患分災凶禮之別有五

以喪禮哀死亡

哀謂親者服焉疏者舍禭○舍戶暗反禭音遂

以荒禮哀凶札

宗廟之祭有此六享肆獻裸饋食在四時之上則是禘也禘也肆者進所解牲體謂薦熟時也獻獻醴謂薦血腥也禘之言灌灌以鬱鬯謂始獻尸求神時也郊特牲曰魂氣歸于天形魄歸于地故祭所以求諸陰陽之義也殷人先求諸陽周人先求諸陰灌是也祭必先灌乃後薦腥薦熟於禘逆言之者與下文明六享俱然禘言肆獻裸禘言饋食者著有黍稷互相備也禮三年喪畢而禘於大祖明年春禘於羣廟自爾以後率五年而再殷祭一禘一禘○肆他歷反解骨體禘古亂反率五音律

人物有害也曲禮曰歲凶年穀不登君膳不祭肺馬不食穀馳道不除祭事不縣大夫不食梁士飲酒不樂札讀為截謂疫厲○縣音女

以弔禮哀既絀

禍絀謂遭水火宋大水魯莊公使人弔焉曰天作淫雨害於棗盛如何不弔廐焚孔子拜鄉人為火來者拜之士一大夫再亦和弔之道○為火于偽反

以禴禮哀圍敗

同盟者會合財貨以更其所喪春秋襄三十年冬會于澶淵宋蒧故是其類○禴古外反更音庚喪息浪反澶善然反

以恤禮哀寇亂

恤憂也鄰國相憂兵作於外為寇作於內為亂

以賓禮親邦國

親謂使之相親附
賓禮之別有八

春見曰朝。夏見曰宗。秋見曰覲。冬見曰遇。時見曰會。殷見曰同。

此六禮者以諸侯見王為文。六服之內四方以時分來或朝春或宗夏或覲秋或遇冬各殊禮異更遞而徧朝猶朝也欲其來之早宗尊也欲其尊王覲之言勤也欲其勤王之勤王之事遇偶也欲其若不期而偶至時見者言無常期諸侯有不順服者王將有征討之事則既朝覲王為壇於國外合諸侯而命事焉春秋傳曰有事而會不協而盟是也殷猶衆也十二歲王如不巡守則六服盡朝朝禮既畢王亦為壇合諸侯以命政焉所命之政如王巡守殷見四方四時分來終歲則徧。曰朝直遙反遞音弟猶朝張遙反

時聘曰問。殷頌曰視。

殷頌曰視

時聘者亦無常期天子有事乃聘之焉竟外之臣既非朝歲不敢瀆為小禮殷覲謂一服朝之歲以朝者少諸侯乃使卿以大禮衆聘焉一服朝在元年七年十一年。○覲他乎反竟音境

以軍禮同邦國

同謂威其不協僭差者軍禮之別有五

大師之禮用衆也

用其義勇

大均之禮恤衆也

均其地政地守地職之賦所以憂民

大田之禮簡衆也

甸禮

宗伯禮官之職

四

宗伯

古者因田習兵
閱其車徒之數

大役之禮任眾也

築官邑所以
事民力强弱

大封之禮合眾也

正封疆溝塗之固
所以合聚其民

以嘉禮親萬民

嘉善也所以因人心所善者
而為之制嘉禮之別有六

以飲食之禮親宗族兄弟

親者使之相親人君有食宗族飲酒之禮所以親之也文王世子曰族食世降一等大傳曰繫之以姓而弗別綴之以食而弗

殊百世而昏姻不通者
周道然也○別彼列反

以昏冠之禮親成男女

親其恩成其性
○冠古亂反

以賓射之禮親故舊朋友

射禮雖王亦立賓主也王之故舊朋友為世子時共在學者天子亦有友諸侯之義武王誓曰我友邦冢君是也司寇職有議故之辟議賓之辟

以饗燕之禮親四方之賓客

賓客謂
朝聘者

以脤膾之禮親兄弟之國

周禮

卷之六 宗伯禮官之職

五

承慶堂

張藩社稷宗廟之肉以賜同姓之國同福祿也兄第有共先王者曾定公十四年天王使石尚來歸賑○賑上忍反藩音煩

以賀慶之禮親異姓之國
異姓王昏
姻甥舅

以九儀之命正邦國之位。

每命異儀貴賤之位乃正春秋傳曰各位不同禮亦異數

壹命受職。

始見命為正吏謂列國之士於子男為大夫王之下士亦一命鄭司農云受職治職事

再命受服。

鄭司農云受服受祭衣服為上士玄謂此受玄冕之服列國之大夫再命於子男為卿卿大夫自玄冕而下如孤之服王之中

士非再命則爵弁服

三命受位。

鄭司農云受下大夫之位玄謂此列國之卿始有列位於三為王之臣也王之上士亦三命

四命受器。

鄭司農云受祭器為上大夫玄謂此公之孤始得有祭器者也禮運曰大夫具官祭器不假聲樂皆具非禮也王之下大夫亦

命四

五命賜則。

鄭司農云則者法也出為子男玄謂則地未成國之名王之下大夫四命出封加一等五命賜之以方百里二百里之地者方三百里以上為成國王莽時以二十五成為則方五十里合今俗說子男之地獨劉子駿等識古有此制焉

同禮

宗伯禮官之職

禮

禮記

六命賜官

鄭司農云子男入為卿治一官也。玄謂此王六命之卿賜官者，使得自置其臣治家邑，如諸侯春秋襄十八年冬，晉侯以諸侯圍齊，荀偃為君，禱河，既陳齊侯之罪，而曰：曾臣彪將率諸侯以討焉。其官臣偃實先後之。○先悉薦反，後胡豆反。

七命賜國

王之卿六命出封加一等者。鄭司農云：出就侯伯之國。

八命作牧

謂侯伯有功德者，加命得專征伐於諸侯。鄭司農云：一州之牧，王之三公亦八命。

九命作伯

上公有功德者，加命為二伯，得征五侯九伯者。鄭司農云：長諸侯為方伯。

以玉作六瑞以等邦國

等猶齊等也。

王執鎮圭

鎮安也，所以安四方。鎮圭者，蓋以四鎮之山為琢飾，圭長尺有二寸。

公執桓圭

公，二王之後，及王之上公，雙植，謂之桓。桓，宮室之象，所以安其上也。桓圭，蓋亦以桓為琢飾，圭長九寸。

侯執信圭，伯執躬圭

信當為身，聲之誤也。身圭，躬圭，蓋皆象以人形為琢飾。文有，籠縛耳，欲其慎行以保身。圭皆長七寸。○信音身，行下孟反。

子執穀璧，男執蒲璧

周禮

宗伯禮官之職

七

承慶堂

穀所以養人。蒲為席，所以安人。二玉蓋，或以穀為飾。或以蒲為瑑，飾璧皆徑五寸，不執圭者，未成國也。

以禽作六摯，以等諸臣。

摯之言至，所執以自致。摯本或作贄。

孤執皮帛，卿執羔，大夫執雁，士執雉，庶人執鶩，工商執雞。

皮帛者，束帛而表以皮為之，飾皮虎豹皮帛，如今璧色繪也。羔，小羊，取其羣而不失其類。鴈，取其候時而行。雉，取其守介而死，不失其節。鶩，取其不飛遷。雞，取其守時而動。曲禮曰：飾羔鴈者，以績，謂衣之以布而又畫之者，自雉以下，執之無飾。士相見之禮，卿大夫飾摯以布，不言績。此諸侯之臣與天子之臣異也。然則天子之孤，飾摯以虎皮，公之孤，飾摯以豹皮，與此孤卿大夫士之摯，皆以爵，不以命數。凡摯無庭實。衣於既反。

以玉作六器，以禮天地四方。

禮謂始告神時，薦於神坐。書曰：周公植璧秉圭是也。

以蒼璧禮天，以黃琮禮地，以青圭禮東方，以赤璋禮南方，以白琥

禮西方，以玄黃禮北方。

此禮天以冬至，謂天皇大帝在北極者也。禮地以夏至，謂神在崑崙者也。禮東方以立春，謂蒼精之帝而太昊句芒食焉。禮南方以立夏，謂赤精之帝而炎帝祝融食焉。禮西方以立秋，謂白精之帝而少昊蓐收食焉。禮北方以立冬，謂黑精之帝而顓頊食焉。禮神者必象其類。璧，圓象天。琮，八方象地。圭，銳象春。物初生，半圭曰璋。象夏物半死，琥，猛象秋。嚴，半璧曰璜。象冬閉藏，地上無物，唯天半見。崑音倫。

皆有牲幣，各放其器之色。

幣以從爵，若人飲酒有酬幣。放，方往反。

以天產作陰德以中禮防之以地產作陽德以和樂防之

鄭司農云陰德謂男女之情天性生而自然者過時則奔隨先時則血氣未定聖人為制其中令民三十而娶女二十而嫁以防其淫泆令無失德情性隱而不露故謂之陰德陽德謂分地科以致富富者之失不驕奢則吝嗇故以和樂防之樂所以滌蕩邪穢道人之正性者也一說地產謂土地之性各異若齊性舒緩楚性急悍則以和樂防其失令無失德樂所以移風易俗者也此皆露見於外故謂之陽德陽德陰德不失其正則民和而物各得其理故曰以諸萬民以致百物玄謂天產者動物謂六牲之屬地產者植物謂九穀之屬陰德陰氣在人者陰氣虛純之則劣故食動物作之使動過則傷性制中禮以節之陽德陽氣在人者陽氣盈純之則躁故食植物作之使靜過則傷性制和樂以節之如是然後陰陽平情性和而能育其類○為制于偽反令力呈反

以禮樂合天地之化百物之產以事鬼神以諧萬民以致百物

禮濟虛樂損盈並行則四者乃得其和能生非類曰化主其種曰產

凡祀大神享大鬼祭大示帥執事而卜日宿眠滌濯泣玉鬯省牲鑊奉玉盥詔大號治其大禮詔相王之禮

執事諸有事於祭者宿中戒也滌濯灑祭器也玉禮神之玉也始泣之祭又奉之鑊烹牲器也大號六號之大者以詔大祝以為祝辭治猶簡習也豫簡習大禮至祭當以詔相王羣臣禮為小禮故書泣作泣鄭司農讀為泣泣視也○鑊戶郭反盥音咨詔相息亮反後詔相皆放此說古愛反亨普庚反

若王不與祭祀則攝位

王有故代行其祭事○與音預

凡大祭祀王后不與則攝而薦豆蓬徹

同禮

宗伯禮官之職

七

承讓堂

薦徹豆籩
王后之棗

大賓客則攝而載果。

載為也。果讀為裸。代王裸賓客以饗。君無酌臣之禮。言為者攝酌獻耳。拜送則王也。鄭司農云。王不親為主。

朝覲會同則為上相。大喪亦如之。王哭諸侯亦如之。

相詔王禮也。出接賓曰擯。入詔禮曰相。相者五人。卿為上。擯犬喪。王后及世子也。哭諸侯者謂薨於國為位而哭之。檀弓曰。天子之哭諸侯也。爵弁經紵衣。紵側其反。

王命諸侯則償。

償進之也。王將出命假祖廟立依前南鄉。償者進當命者延之。命使登內史由王右以策命之。降再拜稽首。登受策以出。此其畧也。諸侯爵祿其臣則於祭焉。○假音格。依於豈反。鄉許亮反。

國有大故則旅上帝及四望。

故謂凶。旅。陳也。陳其祭事以祈焉。禮不如祀之備也。上帝。五帝也。鄭司農云。四望。日月星海。玄謂四望。五嶽。四鎮。四瀆。

王大封則先告后土。

后土。土神也。黎所食者。

乃頒祀于邦國都家鄉邑。

頒讀為班。班其所當祀及其禮。都家之鄉邑。謂王子弟及公卿大夫所食采地。

周禮卷十八終

司豐

卷六 宗伯禮官之職

廿

承慶堂

兆山川丘陵墳衍各因其方。

順其所

掌五禮之禁令與其等用。

用等，牲器尊卑之差，鄭司農云，五禮，吉凶軍賓嘉。

辨廟祧之昭穆。

祧，遷主所藏之廟，自始祖之後，父曰昭，子曰穆。

辨吉凶之五服，車旗宮室之禁。

五服，王及公卿大夫士之服。

掌三族之別以辨親疏，其正室皆謂之門子，掌其政令。

三族，謂父子孫，人道之正名，喪服小記曰，親親以三為五，以五為九，正室，適子也，將代父當門者也，政令，謂役守之事。○適，丁

反歷

毛六牲，辨其名物而頒之于五官，使其奉之。

毛，擇毛也，鄭司農云，司徒主牛，宗伯主雞，司馬主馬及羊，司寇主犬，司空主豕。

辨六齋之名物與其用，使六官之人共奉之。

齋，讀為粢，六粢，謂六穀，黍稷稻粱麥，菰，○菰音孤。

辨六彝之名物，以待果將。

六彝，雞彝，鳥彝，犀彝，黃彝，虎彝，雉彝，果讀為祿。○犀音假，又音嫁，雉音誅。

司豐

宗伯禮官之職

辨六尊之名物以待祭祀賓客。

待者有事則給之。鄭司農云：六尊，獻尊、象尊、壺尊、著尊、大尊、山尊。○獻，素何反。著，直畧反。大音泰。

掌衣服車旗宮室之賞賜。

王以賞賜有功者。書曰：車服以庸。

掌四時祭祀之序事與其禮。

序事，十日省牲視滌濯。饗饔之事，次序之時。

若國大貞，則奉玉帛以詔號。

號，神號、幣號。鄭司農云：大貞，謂卜立君、卜大封。

大祭祀省牲，眡滌濯。祭之日，逆盥省鑊，告時于王，告備于王。

凡祭祀賓客，以時將瓚裸。

逆盥，受餼人之盛以入省鑊，視亨腥孰時，薦陳之。晚早備，謂饌具。○餼，冒志反。亨，普庚反。

詔相祭祀之小禮，凡大禮，佐大宗伯。

小禮，羣臣之禮。

賜卿大夫士爵，則償。

賜，猶命也。償之，如命諸侯之儀。春秋文元年，天王使毛伯來錫，公命，傳曰：錫者何？賜也。命者何？加我服也。

小祭祀掌事，如大宗伯之禮。大賓客，受其將幣之齋。

謂所齋來貢獻之財物。○齋，子弓反。

司禮

宗伯禮官之職

三

承讓堂

若大師則帥有司而立軍社奉主車。

有司大祝也王出軍必先有事於社及遷廟而以其主行社主曰軍社遷主曰祖春秋傳曰軍行祓社爨鼓祝奉以從曾子問曰天子巡守以遷廟主行載于齊車言必有尊也書曰用命賞于祖不用命戮于社社之主蓋用石為之奉謂將行○祓乎物反從才用反齊車側皆反

若軍將有事則與祭有司將事于四望。

軍將有事將與敵合戰也鄭司農云則與祭謂軍祭表禡軍社之屬小宗伯與其祭事玄謂與祭有司謂大祝之屬蓋司馬之官實典焉○與音預

若大甸則卽有司而饁獸于郊遂頒禽。

甸讀曰田有司大司馬之屬饁饋也禽雖多擇取三十焉其有群臣之兆頒禽謂以予羣臣詩傳曰禽雖多擇取三十焉其

餘以予大夫士以習射於澤宮而分之○饁于輒反

大哉及執事禱祠于上下神示。

執事大祝及男巫女巫也求福曰禱得求曰祠謚曰禱爾于上下神祇鄭司農云小宗伯與執事共禱祠○謚音誅

王崩大肆以柩也。

鄭司農云大肆大浴也杜子春讀泚為泚以柩也浴尸玄謂人肆始陳尸伸之○泚亡婢反

及執事泣大斂小斂帥異族而佐。

執事大祝之屬泣臨也親斂者及事官之屬為之喪大記曰小斂亦十九稱君大夫士一也大斂君百稱大夫五十稱士三十稱異族佐斂疏者可以相助

懸衰冠之式于路門之外。

同豐

宗伯禮官之職

如

永懷堂

制色宜齊同。○縣音玄衰七雷反。

及執事貶葬獻器遂哭之。

執事蓋梓匠之屬。至將葬獻明器之材。又獻素獻成。皆於殯門外。王不親哭。有官代之。

卜葬兆甫窆亦如之。

兆墓。塋域甫始也。鄭大夫讀窆皆為窆。杜子春讀窆為堊。皆謂葬穿墳也。今南陽各穿地為窆。聲如腐脆之腓。○窆昌絹反。杜昌銳反。脆七歲反。腓音卒。

既葬詔相喪祭之禮。

喪祭虞祔也。檀弓曰葬日虞弗忍一日離也。是日也。以虞易奠。卒哭曰成事。是日也。以吉祭。易喪祭。明日祔于祖父。

成葬而祭墓為位。

成葬丘已封也。天子之冢。蓋不一日而畢。位壇位也。先祖形體託於此地。祀其神以安之。冢人職曰。大喪既有日。請度甫窆。遂為之。尺。

凡王之會同軍旅甸役之禱祠。肄儀為位。

肄習也。故書肄為肆。儀為義。杜子春讀肆當為肄。義為儀。若今時肄司徒府也。小宗伯主其位。○肄以志反。李似二反。

國有禍菽則亦如之。

謂有所禱祈。

凡天地之大雩。類社稷宗廟。則為位。

禱祈禮輕。類者依其正禮而為之。

凡國之大禮。佐大宗伯。凡小禮。掌事。如大宗伯之儀。

肆師之職掌立國祀之禮以佐大宗伯

也佐助

立大祀用玉帛牲牲立次祀用牲幣立小祀用牲

鄭司農云大祀天地次祀日月星辰小祀司命已下女謂大祀又有宗廟次祀又有社稷五祀五嶽小祀又有司中風師兩師山川百物

○袞音全

以歲時序其祭祀及其祈珥

序第次其先後大小故書祈為幾杜子春讀幾當為祈珥當為鉅玄謂祈當為進禋之禋珥當為鉅禋者禋禮之事雜記曰成廟則禋之雍人舉羊升屋自中中屋南面剖羊血流于前乃降門夾室皆用雞其鉅皆於屋下剖雞門當門夾室中室然則是禋謂羊血也小子職曰掌珥于社稷祈于五祀是也亦謂其宮兆始成時也春秋僖十九年夏邾人執郈子用之傳曰用之

者何蓋叩其鼻以珥社也○珥而志反注鉅同到苦圭反

大祭祀展犧牲繫于牢頒于職人

展省閱也職讀為犧犧可以繫牲者此職人謂充人及監門人○職劉之弋反咸音弋注犧同監古銜反

凡祭祀之卜日宿為期詔相其禮既滌濯亦如之

宿先卜祭之夕

祭之日表齋盛告潔展器陳告備及果築鬻相洽小禮誅其慢怠者

案六穀也在器曰盛陳陳列也果築鬻者所築鬻以裸也故書表為鬻鬻表皆謂微識也鄭司農云築煮築香草煮以為鬻○果古亂反下同鬻音煮相息亮反識式志反

司禮

宗伯禮官之職

水

禮記

掌兆中廟中之禁令

兆壇
塋域

凡祭祀禮成則告事畢大賓客泣筵几築鬻

此王所以
禮賓客

贊果將

酌鬱鬯授大
宗伯載祿

大朝覲佐儋

為承
儋

共設匪饗之禮

設於賓客之館公食大夫禮曰若不親食使大夫以侑幣致之
豆實實于饗簋實實于俎匪其俎字之誤與禮不親饗則以酬
幣致之或者匪以
致饗○食音嗣

饗食授祭

授賓
祭肺

與祝侯禱于晝及郊

侯禱小祝職也晝五百里
遠郊百里近郊五十里云三日對于外五日對于大夫外十日對于

大喪大泚以鬯則築鬻

築香草煮以為鬯
以浴尸香草鬻也

令外內命婦序哭

序使相
次秩

禁外內命男女之衰不中瀆者且授之杖。

外命男六鄉以出也內命男朝廷卿大夫士也其妻為外命女喪服為夫之君齊衰不杖內命女王之三夫人以下不中法違升數與裁制者鄭司農云三日授子杖五日授大夫杖七日授士杖此舊說也喪大記曰君之喪三日子夫人杖五日既殯授大夫世婦杖無七日授士杖文玄謂授杖日數王喪依諸侯與七日授士杖四制云○衰七雷反中丁仲反為夫于偽反下為取

凡師甸用牲于社宗則為位。

社軍社也宗遷主也尚書傳曰王升舟入水鼓鐘亞觀臺亞將舟亞宗廟亞故書位為涖杜子春云涖當為位書亦或為位宗謂宗廟○涖音田

類造上帝封于大神祭兵于山川亦如之。

造猶即也為兆以類禮即祭上帝也類禮依郊祀而為之者封謂壇也大神社及方嶽也山川蓋軍之所依止大傳曰牧之野武王之大事也既事而退柴於上帝祈于社設奠於牧室○造七報反

凡師不功則助牽主車。

助助大司馬也故書功為王鄭司農工讀為功古者工與功同字謂師無功肆師助牽之恐為敵所得

凡四時之大甸獵祭表貉則為位。

貉師祭也貉讀為十百之百於所立表之處為師祭造軍法者禱氣勢之增倍也其神蓋蚩蚩或曰黃帝○貉音陌蚩音尤

嘗之日涖下來歲之芟。

芟芟草除田也古之始耕者除田種穀嘗者嘗新穀此芟之功也卜者問後歲宜芟不詩云載芟載柞其耕澤澤○芟色銜反

凡裸玉濯之陳之以贊裸事。

裸玉謂圭
璋璜

詔裸將之儀與其節。

節謂王奉玉送
裸早晏之時

凡裸事沃盥。

大喪之溲共其肆器。

肆器陳尸之器喪大記曰君設大盤造冰焉大夫設夷盤造冰焉士併瓦盤無冰設牀禮第有枕此之謂肆器天子亦用夷盤
○造七報反併薄冷反
禮章善反第側几反

及葬其其裸器遂狸之。

遣奠之彝與瓚也狸之於祖廟
階間明奠終於此○狸亡皆反

大祭祀與量人受舉畢之卒爵而飲之。

畢受福之嘏聲之誤也王醑尸尸嘏王此其卒爵也小牢饋食禮主人受嘏詩懷之卒爵執爵以興出宰夫以籩受膏黍主人嘗之乃還獻祝此鬱人受王之卒爵亦王出房時也必與量人者鬱人贊裸尸量人制從獻之脯籩事相成○畢古雅反嘏古雅反醑侯吝反
又音胤籩音煩

鬯人掌其秬鬯而飾之。

秬鬯不和鬱者
飾之謂設巾

凡祭祀社壝用大鬯。

壝謂委土為壇壝所以祭
也大鬯瓦鬯○擘音善

祭門用瓢齋。

祭謂管鄫所祭門國門也春秋傳曰日月星辰之神則雪霜風雨之不時於是乎祭之山川之神則水旱疫癘之不時於是乎祭之魯莊二十五年秋大水鼓用牲于門故書瓢作劑鄭司農讀劑為瓢杜子春讀齋為棗瓢謂瓢蟲也棗盛也玄謂齋讀為齊取甘瓢割去抵以齊為尊○祭音詠齋在兮反鄫作管反蠡力兮反去起呂反抵音帝

廟用修凡山川四方用蜃凡裸事用概凡鬻事用散。

裸當為理字之誤也故書蜃或為謨杜子春云謨當為蜃書亦或為蜃蜃水中蜃也鄭司農云脩謨概散皆器名玄謂廟用脩者謂始禘時自饋食始脩蜃概散皆漆尊也脩讀曰貞貞中尊謂獻象之屬尊者彝為上鬯為下蜃畫為蜃形蚌曰合漿尊之象概尊以朱帶者無節曰散○脩音貞羊久反又音由中樽也鬻乎逼反散素早反獻素何反蚌步項反曰合音含

大喪之大泲設斗共其鬯。

斗所以沃尸也鬯尸以鬯酒使之香美者鄭司農云鬯讀為微

凡王之齊事共其秬鬯。

給泮浴○
泮七內反

凡王弔臨共介鬯。

以尊適卑曰臨春秋傳日照臨幣邑鄭司農云鬯香草王行弔喪被之故曰介玄謂曲禮曰禁天子鬯王至尊介為執致之以禮於鬼神與檀弓曰臨諸侯吟於鬼神曰有天王某父此王適四方舍諸侯祖廟祝告其神之辭介於是進鬯○為執于偽反與音餘
父音甫

周禮卷十九終

象雞知時也告其有司主事者少牢曰宗人朝服北面曰請祭期主人曰比於子宗人曰且明行事告時者至此且明而告之

凡祭祀面禳粢其其雞牲

粢粢廟之屬粢廟以羊門夾室皆用雞鄭司農云面禳四面禳也粢讀為徽

司尊彝掌六尊六彝之位詔其酌辨其用與其實

位所陳之處酌涕之使可酌各異也用四時祭祀所用亦不同實鬱及體齊之屬○涕子里反齊才計反

春祠夏禴裸用雞彝鳥彝皆有舟其朝踐用兩獻尊其再獻用兩

象尊皆有罍諸臣之所昨也秋嘗冬蒸裸用犀彝黃彝皆有舟其

朝獻用兩著尊其饋獻用兩壺尊皆有罍諸臣之所昨也凡四時

之間祀追享朝享裸用虎彝雉彝皆有舟其朝踐用兩大尊其再獻用兩山尊皆有罍諸臣之所昨也

裸謂以圭瓚酌鬱鬱始獻尸也后於是以璋瓚酌亞裸郊特牲曰周人尚臭灌用鬯臭鬱合鬯臭陰達於淵泉灌以圭瓚用玉氣也既灌然後迎牲致陰氣也朝踐謂薦而腥酌醴始行祭事也朝獻謂尸卒食王酌之再獻者王酌尸之後后酌亞獻諸臣為賓又次后酌盞齊備卒食三獻也於后亞獻內宗薦加豆籩其變再獻為饋獻者亦尊相因饋獻謂薦孰時后於是薦饋食之豆籩此凡九酌王及后各四諸臣共祭之正也以今祭禮特牲少牢言之二裸為奠而尸飲七矣王可以獻諸臣祭統曰尸飲五君洗玉爵獻御是其差也明堂位曰灌用玉瓚大圭爵用玉琖加用璧角璧散又鬱人職曰受舉璋之卒爵而飲之則王酌尸以玉爵也玉酌尸用玉爵而再獻者用璧角璧散可知也雞彝鳥彝謂刻而畫之為雞鳳凰之形皆有舟皆有罍言春夏秋冬及追享朝享有之同昨讀為酢字之誤也諸臣獻者酌罍

以自酢不敬與王之神靈其尊鄭司農云舟尊下臺若今時承
 繁獻讀為犧犧尊飾以翡翠象尊以象鳳皇或曰以象骨節尊
 明堂位曰犧象周尊也春秋傳曰犧象不出門尊以裸神罍神
 之所飲也詩曰餅之馨矣維罍之耻罍讀為稼稼穡畫禾稼也
 黃彝黃目尊也明堂位曰夏后氏以雞彝殷以罍周以黃目爾
 雅曰彝自罍器也著尊者著略尊也或曰著尊者地無足明堂
 位曰若殷尊也壺者以壺為尊春秋傳曰尊以魯壺追享朝享
 謂神祫也在四時之間故曰間祀雖讀為蛇虺之虺或讀為公
 用射隼之隼大尊太古之瓦尊山尊山罍也明堂位曰秦有虞
 氏之尊也山罍夏后氏之尊故書踐作餞杜子春云餞當為踐
 玄謂黃目以黃金為目郊特牲曰黃目鬱氣之上尊也黃者中
 也目者氣之清明者也言酌於中而清明於外追享謂追祭遷
 廟之主以事有所請禱朝享謂朝受政於廟春秋傳曰閏月不
 告朔猶朝于廟雖屬印鼻而長尾山罍亦刻而畫之謂山雲
 之形○兩獻本或作戲注作犧同素何反注及下注汁獻同罕
 音稼若直略反朝享直遙反朝受政猶朝及下文朝用同雖音
 誅兩大音泰注同瑛莊產反射隼食亦反
 下荀尹反禹音遇叩魚丈反又五剛反

凡六彝六尊之酌鬱齊獻酌禮齊縮酌盎齊泔酌凡酒修酌

故書縮為數齊為盞鄭司農云獻讀為儀儀酌有成儀多也泔
 酌者檢拭勺而酌也修酌者以水洗勺而酌也盞讀皆為齊和
 之齊杜子春云數當為縮齊讀皆為祭玄謂禮運曰玄酒在室
 醴醴在戶祭醴在堂澄酒在下以五齊次之則醴酒盎齊也郊
 特牲曰縮酌用芑明酌也醴酒泔于清汁獻泔于醴酒猶明清
 與醴酒于舊醴之酒也此言轉相泔成也獻讀為摩沙之沙齊
 語聲之誤也煮鬱和和鬯以醴酒摩沙泔之出其香汁也醴齊
 尤濁和以明酌泔之以芑縮去滓也盎齊差清和以清酒泔之
 而已其餘三齊泛從醴緹沈從盎凡酒謂三酒也修讀如滌濯
 之滌滌酌以水和而泔之今齊人命浩酒曰滌明酌酌取事酒
 之上也澤讀曰醴明酌清酒醴酒泔之皆以舊醴之酒凡此四
 者祿用鬱齊朝用醴齊饋用盎齊諸臣自酢用凡酒唯大事于
 大廟備五齊三酒○獻酌素何反司農音儀泔舒銳反修酌直
 歷反注同數音朔下同為盞子兮反稅節舒銳反齊和胡臥反
 醴莊產反緹音體舊澤音亦下曰
 醴音同莎素何反去滓起呂反

大喪存奠彝

存者也謂大遣時奠者朝夕乃徹也

大旅亦如之

旅者國有大故之祭也亦有其奠彝則陳之不即徹

司几筵掌五几五席之名物辨其用與其位

五几左右玉彤彤漆素五席莞藻次蒲熊用位所設之席及其處○彤徒冬反莞音官又音丸藻本又作縹音早

凡大朝覲大享射凡封國命諸侯王位設黼依依前南鄉設莞筵

紛純加纁席畫純加次席黼純左右玉几

斧謂之黼其繡白黑文以絳帛為質依其制如屏風然於依前為王設席左右有几優至尊也鄭司農云紛讀為暵又讀為和

粉之粉謂白繡也純讀為均服之均純緣也纁讀為藻率之藻次席虎皮為席書顧命曰成王將崩命大保芮伯畢公等被冕服憑玉几玄謂紛如綬有文而狹者纁席削蒲蒻展之編以五采若今合歡矣畫謂雲氣也次席桃枝席有次列成文○依於豈反鄉許亮反純章九反為王于偽反率音律蕝音弱

祀先王昨席亦如之

鄭司農云昨席於主階設席王所坐也玄謂昨讀曰酢謂祭祀及王受酢之席尸卒食王酌之卒爵祝受之又酌授尸尸酢於於是席王於戶內后諸臣致爵乃設席

諸侯祭祀席蒲筵纁純加莞席紛純右彤几

纁畫文也不莞席加纁者纁柔需不

昨席莞筵紛純加纁席畫純筵國賓于牖前亦如之左彤几

昨讀亦曰酢鄭司農云禮記國賓老臣也為布筵席於牖前玄謂國賓諸侯來朝孤卿大夫來聘後言几者使不蒙如也朝者彫几聘者彤几

甸役則設熊席右漆几

謂王甸有司祭表貉所設席○甸音田

凡喪事設葦席右素几其柏席用萑黼純諸侯則紛純每敦一几

喪事謂几奠也萑如葦而細者鄭司農云柏席追地之席常居其上或曰柏席載黍稷之席玄謂柏樽字磨滅之餘樽席藏中神坐之席也敦讀口肅肅覆也棺在殯則樽肅既變則加見皆謂覆之周禮雖合葬及同時在殯皆異几體質不同祭於廟同几精氣合○柏音迫萑音丸敦音道藏才浪反肅音導

凡吉事變几凶事仍几

故書仍為乃鄭司農云變几變更其質謂有飾也乃讀為仍因也因其質謂無飾也爾雅曰儻仍因也書顧命曰翌日乙丑成王崩癸酉編間南鄉西序東嚮東序西嚮皆仍几玄謂吉事王祭宗廟裸於室饋食於堂釋於祔每事易几神事文示新之也凶事謂凡奠几朝夕相因喪禮略○翌音翼祔補耕反

天府掌祖廟之守藏與其禁令

祖廟始祖后稷之廟其寶物世傳守之若魯寶玉大弓者○守藏上手又反下才浪反

凡國之玉鎮大寶器藏焉若有大祭大喪則出而陳之既事藏之

玉鎮大寶器玉瑞玉器之美者禘祫及大喪陳之以華國也故書鎮作瑱鄭司農云瑱讀為鎮書顧命曰翌日乙丑王崩丁卯命作冊度越七日癸酉陳寶赤刀大訓弘璧琬琰在西序大玉夷玉天球河圖在東序胤之舞衣大貝鼈鼓在西房兌之戈和之弓垂之竹矢在東房此其行事見於經○瑱他見反琰以冉反鼈扶云反兌徒外反見賢遍反

凡官府鄉州及都鄙之治中受而藏之以詔王察羣吏之治

察察其當黜陟者鄭司農云治中謂其治職簿書之要○中丁仲反

上春釁寶鎮及寶器

上春孟春也釁謂殺牲以血血之鄭司農云釁讀為徽或曰釁鼓之釁

凡吉凶之事祖廟之中沃盥執燭

吉事四時祭也凶事后王喪朝于祖廟之奠○朝直遙反

季冬陳玉以貞來歲之媿惡

問事之正曰貞問歲之美惡謂問於龜大卜職大貞之屬陳玉陳禮神之玉凡卜筮實問於鬼神龜筮能出其卦兆之占耳龜有天地四方則玉有六器者與言陳者既事藏之不必狸之也鄭司農云貞問也易曰師貞丈人吉問於丈人國語曰貞於陽

上○與音餘

若遷寶則奉之

奉猶送也

若祭天之司民司祿而獻民數穀數則受而藏之

司民軒轅角也司祿文昌第六星或曰下能也祿之言穀也年穀登乃後制祿祭此二星者以孟冬既祭之而上民穀之數於天府○能他來反上時掌反

典瑞掌玉瑞玉器之藏辨其名物與其用事設其服飾

人執以見曰瑞禮神曰器瑞符信也服飾服玉之飾謂纁藉○藏才浪反見賢遍反藉在夜反

王晉大圭執鎮圭纁藉五采五就以朝日

周禮

卷三 宗伯禮官之職

六

宗伯

纁有五采文所以薦玉木為中幹用韋衣而畫之就成也王朝日者示有所尊訓民事君也天子常春分朝日秋分夕月朝禮謂插於紳帶之間若帶劍也瑱讀為鎮玉人職曰大圭長三尺杼上終葵首天子服之鎮圭尺有二寸天子守之纁讀為藻率之藻五就五币也一币為一就○朝直遙反韋衣於既反

公執桓圭侯執信圭伯執躬圭繅皆三采三就子執穀璧男執蒲璧繅皆二采再就以朝覲宗遇會同于王

三采朱白蒼二采朱綠也鄭司農云以圭璧見於王覲禮曰侯氏入門右坐奠圭再拜稽首侯氏見於天子春日朝夏日宗秋曰覲冬曰遇時見曰會殷見曰同○信圭音身

諸侯相見亦如之

鄭司農云亦執圭璧以相見故邾隱公朝於魯春秋傳曰邾子執玉高其容仰

瑑圭璋璧琮繅皆二采一就以頒聘

璋以聘后夫人以琮享之也大夫眾來曰頒寡來曰聘鄭司農云瑑有圻鄂瑑起○瑑直轉反頒他弔反圻魚斤反

四圭有邸以祀天旅上帝

鄭司農云於中央為璧圭著其四面一玉俱成爾雅曰邸本也圭本著於璧故四圭有邸圭末四出故也或說四圭有邸有四角也邸讀為抵欺之抵上帝玄天玄謂祀天夏正郊天也上帝五帝所郊亦猶五帝殊言天者尊異之也大宗伯職曰國有大故則旅上帝及四望○著直略反

兩圭有邸以祀地旅四望

兩圭者以象地數二也儻而同邸祀地謂所祀於北郊神州之神○儻昌絹反邸音帝

裸圭有瓚以肆先王以裸賓客

甸禮

宗伯禮官之職

鄭司農云於圭頭為器可以挹鬯祿祭謂之瓚故詩曰卣彼玉瓚黃流在中國語謂之鬯圭以肆先王祿先王祭也玄謂肆解牲體以祭因以為名爵行曰祿漢禮瓚槃大五升口徑八寸下有槃口徑一尺

圭璧以祀日月星辰

圭其邸為璧取殺於上帝○殺色界反

璋邸射以祀山川以造贈賓客

璋有邸而射取殺於四望鄭司農云射劍也○射食亦反

土圭以致四時日月封國則以土地

以致四時日月者度其景至不至以知其行得失也冬夏以致日春秋以致月土地猶度地也封諸侯以土圭度日景觀分寸長短以制其域所封也鄭司農說以玉人職曰土圭尺有五寸以致日以土地以求地中故謂之土圭○度待洛反下度地度

同日

珍圭以徵守以恤凶荒

杜子春云珍當為鎮書亦或為鎮以徵守者以徵召守國諸侯若今時徵郡守以竹使符也鎮者國之鎮諸侯亦一國之鎮故以鎮圭徵之也凶荒則民有遠志不安其土故以鎮圭鎮安之玄謂珍圭王使之瑞節制大小當與琬琰相依王使人徵諸侯憂凶荒之國則授之執以往致王命焉如今時使者持節矣恤者闔府庫振救之凡瑞節婦又執以反命○守劉守反使所吏反問音開

牙璋以起軍旅以治兵守

鄭司農云牙璋璋以為牙牙齒兵象故以牙璋發兵若今時以銅虎符發兵玄謂牙璋亦王使之瑞節兵守用兵所守若齊人戊遂諸侯戊周

璧美以起度。

鄭司農云美長也此璧徑長尺以起度量玉人職曰璧美度尺以為度玄謂美不圓之貌蓋廣徑八寸袤一尺○袤音茂

駟圭璋璧琮琥璜之渠眉疏璧琮以斂尸。

鄭司農云駟外有捷盧也駟讀為駟疾之駟疏讀為沙謂圭璋璧琮琥璜皆為開渠為眉璩沙除以斂尸令汁得流去也玄謂以斂尸者於大斂焉加之也駟讀為組與組馬同聲之誤也渠眉玉飾之溝瑑也以組穿聯六玉溝瑑之中以斂尸圭在左璋在首琥在右璩在足璧在背琮在腹蓋取象方明神之也疏璧琮者通於天地○駟音祖

穀圭以和難以聘女。

穀圭亦王使之瑞節穀善也其節若粟文然難仇讐和之者若春秋宣公及齊侯平莒及邾晉侯使瑕嘉平戎于王其聘女則以納徵焉○難乃且反邾音談

琬圭以治德以結好。

琬圭亦王使之瑞節諸侯有德王命賜之及諸侯使大夫來聘既而為壇會之使大夫執以命事焉大行人職曰時聘以結諸侯之好鄭司農云琬圭無鋒芒故治德以結好○好呼報反

琰圭以易行以除慝。

琰圭亦王使之瑞節鄭司農云琰圭有鋒芒傷害征伐誅討之象故以易行除慝易惡行令為善者以此圭責讓諭告之也玄謂除慝亦於諸侯使大夫來類既而使大夫執而命事於壇大行人職曰殷類以除邦國之慝○易行下孟反

大祭祀大旅凡賓客之事共其玉器而奉之。

玉器謂四圭禋圭之屬

大喪共飯玉含玉贈玉。

尚書

卷三十一 宗伯禮官之職

七

大喪

周禮

卷三十一

七

大喪

飯玉碎玉以雜米也。舍玉柱左右顛及在口中者。雜記曰。舍者執璧將命。則是璧形而小耳。贈玉。蓋璧也。贈有束帛。六幣。璧以帛。○飯扶晚反。舍戶暗反。

凡玉器出則共奉之。

玉器出謂王所好賜也。奉之送以往遠則送於使者。

周禮卷二十一終

